



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2130 8° (LN 1414 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2130 8° (LN 1414 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2130 8° (LN 1414 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2130 8° (LN 1414 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2130 8° (LN 1414 8° copy 2)




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2130 8° (LN 1414 8° copy 2)

DA BOX

N^o 2130.



= LN 1414 8° 2



I
G
N
m

2130.
ET ITHALAMION
IOHANNIS

GEORGII SADOLLI

NI VIBERGII SCRIPTVM

in honorem nuptiarum D. IOHANNIS,

FRANCISCI Ripensis, Doctoris

Medicinae, & MARIAE,

filiae V. C. Laurentij

Olai Bagij.

EIVSDEM FASCI-


culus Apollinaris.



VVITEBERGÆ
EXCVDEBAT IOHAN.

SCHVVERTELIVS.

ANNO M. D. LXVI.



2130.
CLARISSIMO
VIRO DN. IOHANNI
FRANCISCO RIPENSI,


Medicinae Doctōri, & sapientiæ in Regia

Danorum Academia Professori,

Ioh. Georg: Sadolinus

Vibergius

S. P. D.



UM POST LONGAM
& eandem difficillimam, licet
virtutis nomine periucundam,
quam meliorum studiorum causa
per Germaniam & Galliã susce-
pisti peregrinationem, tu mihi tandē D. Iohan-
nes Francisce, oblati in Gezoræa regione Fal-
strica, apud nobilem virum Claudium Vitsfeldi-
um, qui nos tunc temporis ad cœnam humaniter
vocavit, mecū familiariter ageres: Videbamur
novis confabulationibus, quid enim impedit
quo minus apud Poëtā Poëtico vocabulo utar?
& iucundis colloctionibus nostram in exteris
regnis contractam amicitiam quodammodo re-
nouare. Et quanquam ea quæ nos in longin-
quis oris, partibusq; terrarum, piæ necessitudinis
copulatio per Musas tanquam æterno fœdere
coagmentavit, tam arcta est, tamq; cōstricta, ut
vel ab ipso Momus reprehensionum, seu potius

A 2

calum-

calumniarum Deo, vlllo criminationis artificio
distrahi nequeat: tamen per hunc nostrum a-
mabilem & honorificum congressum veteris
eius amicitiae lex clarior reddita, & pristina il-
la nostra consuetudo splendidior facta, nos quasi
somnia excussos venerabili quadam voluptate
perfudit, adeo vt qui proximis his annis admi-
rabili Fatorum volubilitate & fortunae incon-
stantia à nobis inuicem disuncti, nescio quas,
animi nebulas per alti silentij diuturnitate con-
traxeramus, eas iam laudabili diuinæ Maiesta-
tis decreto, & cœlesti ductu denuò consociati,
mutuo sermone non secus ac desiderabili Solis
calore extenuatas, propulsauerimus. Quapro-
pter ego diuinitus te in Gezoræam translatum,
existimo: & eò gentium me quoq; peculiari si-
dere abreptum venisse, mihi persuadeo. Nihilo
secius ego gratiā habeo Clau. Vitsfeldio nostro,
qui per literas me suas certiore de tua præsen-
tia reddens autor fuit, vt ex Lolandia ad te
traijcerem. Enimuero per operam bonorum ho-
minum voluntas Dei opt: max: plerunq; diri-
gitur. Imò & tibi faueo, vt propter alia mul-
ta, ita plurimum, quod me insalutato recedere
noluisti, quamuis, me inscio si abiisses, legitimæ
te occupationes excusare possent. Nam te ob
eximias tuas virtutes quemadmodū reuerenter
amo, eodem modo me syncerè & candidè abs te
redamari vehementer lætor. Ex quo factū est,
vt il-

2130.
ut illam tecum noctem hilari & prompto ad iocandum animo producerem: quam iucunditatem sua quoque praesentia suaviorē nobis exhibuit generosus homo Albertus Becchius Herus Beldringensis, qui eruditione & prudentia ornatus, & apud externos feliciter versatus ultro in meā familiaritatē, quod mihi valdē gratum est, sese intulit. Interea tacitē gaudebam te amicum, & diu exploratum sodalem, et eundē meum conterraneū (ut cum C. Plinio castrense verbū usurpem) dignitate sapientiae, & honorum magnificentia, sicut & aetatis vigore florentē iuuenem, ad tantum fastigij euectum, ut à summis Principibus, & à doctissimis quibuslibet viris vnicē amareris. Enimvero te illustrissimo Regi nostra D. Friderico Secundo: D. Iohanni Frisio Heroi Heslagriensi, et multis alijs acceptum videbam. Sapientissimos quosque viros in nostra, quae te Professore & Medicinæ Doctore habet, Academia, tibi familiares cognoscebam: è quorum numero Iohannem Monasteriensem, veterē meum præceptorem, hominem virtutibus et ingenij dotibus excellentissimum tibi in honore esse, quod ex priuatis tuis de eo colloquijs percepi, me profectò plurimum delectat. Haec autem tua, Iohannes Francisce, felicitas ut Reipub: salutaris foret tunc petij, & nunc idem ardentibus votis peto. Nec immerito quidem id à me fieri dijudicabunt omnes: quia & tu de meo successu

A 3 lata-

lutaris, et gaudes clariss: viros mihi familiari-
tate cōiunctos, quales sunt praeclari Heroēs Ab-
solon Vro Dominus Orsmarchiensis, & eiusdē
vicinus Iuarus Longerus Dominus Azerstor-
pensis, ambo literis, virtute, & stemmate insi-
gnes, quorum vtinam studium imitarentur alij
nostri nobiles, quos fortunę dignitas ad glorię
amplitudinem euexit. Caterum dum more Poē-
tico, hoc est largius vino operam impendere-
mus, Pegaso, nescio quo, sublatus Apollinem &
Musas ad thalamum tuum adducturum me pol-
liceri ausus sum. Me verò siue per iocum, siue,
quod haud negauerim, seriò hac de re loquentē,
tu, qui tuus est candor fide obstrinxisti. Ad per-
ficiendos istos labores mihi spacium aliquot die-
rum proponebatur. Postero die manē te itineri
Haphniam versus accinxisti: & quia agrē
à nobis inuicem diuellebamur, ad aulam Seropi-
am te cum Alberto Becchio comitatus sum. Nec
ea nox sine iucundis fabulis nobis euauit. V-
num hoc me mouit, quòd temporis penuria per-
strictus suauissimo meo amico Dauidi Cellio, et
meo, quem non minus ac fratrem diligo, Iohanni
Sasceridi scribere seorsim non potuerim. Sum-
mo enim diluculo abitum maturasti. Nihilo-
minus arrepta testudine, non equidem Orphica
illa qua Dij & Heroes delectantur, sed quam
pro loci & temporis conditione Faunus iste Se-
ropensis mihi suppeditauit, breue, quod tibi de-
di, car-

di,
um
sala
ipsa

2130.
di, carmen expressi, quo & amorem erga te me-
um ostenderem, & vt amicos meos meo nomine
salutares, admonerem. Quid autem refert illud
ipsum, qualecunq; est, huc ascribere?

Clara medendi clara scientia

Doctor Iohannes, & nitida caput

Incincte lauro, qui sacrato

Pectore alis faciles Camænas:

Per multa vectus regna per & freta

Causa Thaliæ, redditus es mihi

Tandem. Sed heu quid tam repente

Me veterem socium relinquis?

Tuos labores nobilium chorus

Poscit: petitq; hos nostra Academia.

Quare ô Deo Rege hinc recede,

Et socios alios require.

Quibus salutem nomine tu meo

Dicas velim: nec Sasceridem meum,

Nec Cellium fidum sodalem

Neglige, nec reliquos amicos.

Eia, quid acer Iuppiter immines

Tanta ira ab alto vertice siderum?

O cælum, ô tellus, salumq;

Nomine propitio vigete.

Sic dulciori carmine sæpius

Cantabo Christi splendida nomina,

Qui ducit & mitis reducit

Eximia socios Mineruæ.

A 4

Quod

Quod carmen rude quidem, & ieiunum,
sed ab animo sincero profectum, tibi optimo ho-
mini & sapienti viro non displicuisse mihi me-
diusfidius non iniucundum est. Et meum pro
te votum haudquaquam irritum opinor. Sed
enim hinc inter spem & metum hæreo: siquidem
quid horrenda ista cæli facies tibi abeunti ad-
uexerit, nondum percepi. Dic igitur, ô optime,
tunc saluos amicos saluus ipse reuersus inueni-
sti? Me, si nescis, post tuum à nobis discessum
frequens amicorum turba ad conuiuia & pota-
tiones abstraxit. Tum officij mei conditio me sæ-
pè ad publica in hac terra negocia auocauit.
Quid? quod & multas horas cura sibi domesti-
ca postulauit? Interea promissi memor Epi-
thalamium ad tempus mihi præscriptum vt po-
tui, volui quidem optimè, descripsi, ne apud te
summum amicum, & eundem te sapientem ho-
minem fides mea periclitaretur. Vt meum in te
studium probes reuerenter oro. Decet enim vt
boni & sinceri amici, quàm sese adornent mu-
tuò, tam mutuò sibi ignoscant, etiamsi ex senten-
tia non satis rectè, illud quod statuerunt, semper
succedat. Certè quidem honestam piorum homi-
num voluntatem vel ipse Deus magnificare
consuevit. Vale & tuum Iohannem Georgium,
quod facis, ama & bonis commenda. Ex ruscu-
lo Flintingio, die XV. ab eo quo te ex Gezo-
ræa Haphniam versus recepisti.

Ad

2130.
AD D. IOH. FRAN.

C I S C V M. R.

PER nemus Aonidū, fœcundaq̃ rura Minervæ
 Nuper vt efferrem sole nitente pedes:
 Mirarerq̃ tuas, Tegeæ diserte, volucres,
 Quas & apes pascit flore Thalia nouo:
 Hanc faciem, dixi, præbet Flintingica sylua,
 Et decorat ter tres quæ, Toronilla, Deas:
 Tàm simili gaudet veneranda Lolandia cantu,
 Nostraq̃, tàm dulci pectora mellem madent.
 Me benè felicem quem detinet illa voluptas:
 Commoda crediderim tanta decere Iouem.
 Gratia, Christe, tibi qui talia munera donas,
 Donas & studijs oia grata pijs.
 A strepitu vano liber, nocuoq̃ tumultu,
 Partibus indico, quæ peragenda, meis.
 Retibus eductis nunc pisces capto salaces:
 Nunc mihi dulcisonas fistula fallit aues.
 Corpus & interdum molli perstringo palæstra:
 Interdum Latia carmina tento lyra.
 Sæpeq̃ cum socijs cœno, bibo, canto, iocorq̃,
 Et linguæ nugas liberioris amo.
 Sæpè cano Regem, patriam, sociosq̃, Deumq̃,
 Et tribuo Nymphis nomina clara meis.
 Me genius quòd si curis grauioribus urget,
 Prontinus exhilarat me mea Volphiola:
 Qua neq̃ Panthenis neq̃ culta Theophila maior
 Extitit ingenio, pectore, voce, fide:

A 5 Vtraq̃

*Vtraq; præstantis decus inuiolabile Cani,
 Vtraq; Cyrrhæi fulgida fama gregis.
 Vix ea finieram: solers apparet Agyleus
 Quem circa lepida concinuere Deæ.
 Latous pileoq;, togaq;, ocreisq;, refulsit,
 Hoc tamen ex habitu non mihi notus erat.
 Illius ex humeris pendens testudo sonora
 Hunc ipsum Clarium prodidit esse Deum.
 Vestibus incinctis Diuæ fulsere: simulq;
 In nodum tortis emicuere comis
 Sic peregrinantes nostratum more, puellæ
 Carpere sueuerunt per loca longa viam.
 Non satis agnoui quò vellet Musica turba:
 Sic ibi perculerat me timor atq; stupor.
 Laurigeri gressum quis cernit Apollinis omnē?
 Sensa quis Aonidum singula nosse potest?
 Tandē ego: quid merui, quid nostra relinquitis
 arua,
 Quæ premitis dulcē, numina casta, chelyn?
 Nonne ego vos postbac nostra regione videbo?
 Perpetuon' facies vestra carenda mihi?
 Solus an hic degam sine vobis? solus an errem
 Tristis, & à lusu caminibusq;, procul?
 Me reficit, fateor, coniunx gnatiq;, pusilli,
 Quiq; mihi Bacchus pocula plena vehit.
 Me decus exhilarat Cereris, Fauniq;, potentis:
 Me iuuat, ardenti qui micat igne, focus.
 Quis tamen est adeò demens, adeòue superbus,
 Vt Pbæbum, & Musas nolit adesse sibi?
 Qui*

Qui

Talia

Tum

Non

Nam

Id ta

Cimb

Carm

Smy

Nost

Quem

Doct

Illius

Hec

2130.
Qui caruisse potest vobis, o numina lata,
Ingenij flammis hic caruisse potest.
Talia dicebam (testis mihi florida Chloris)
Dicere vel saltem talia visus eram.
Tum leuiter ridens Aglaia: Iane Georgi,
Pone metum, nec te comprimat angor: ait.
Non equidem Vatem te deserit almus Apollo:
Non te Pieridum spernit amica cohors.
Nam licet haud possis veteres aequare Poetas.
Nec superes Vates menteq; & arte nouos:
Id tamen affirmo, neq; enim Dea, vinida fallor,
Tu Sadolinæ gloria stirpis eris.
Cimbrica metropolis, tua patria cara, Viberga
Nobilis nomen per tua scripta geret.
Carmine tu tenero facies quoq; viuere multos:
Sic amat ingenium Calliopea tuum.
Smynthea quod videas Heliconiadasq; sorores
Cedere paulisper, non ratione caret.
Nostim? Iohannem Franciscum? pompa iugalis
Cantibus est illi iam celebranda nouis.
Quem veterem socium tu sic colis, vt colit ille
Perspectæ firmum fœdus amicitie.
Doctiloquos inter Vates, Medicosq; peritos,
Qui tenet excelsum primus honore locum.
Illius ad nutum se profert Cælia Pallas,
Et Iuno præstans, ignipotensq; Venus.
Hæc vbi dixisset felix Aglaia verba,
In solitos mitem se tulit, ecce, choros.

Quare

Quare age, Iohannes Francisce faueto Camœnis
 Ex nostris ad te quas iuuat ire locis.
 Et tibi cum facilis sua munera portet Apollo,
 Excipias ipsum tu fac amore pari.
 Sic tua perpetua florescent tempora lauro,
 Et tua Cœropio nectare vena fluet.
 Sic tua tabificos dispellet dextera morbos,
 Sentiet atq; tuam quilibet æger opem.
 Sic tua progenies longos se extendet in annos
 Posteritasq; tuum nomen in astra feret.
 Quod super est autem, tibi nostra insignia mitto
 Mittere quæ nuper dextera pacta mea est.
 Illa tuo si vis musæo pingier: ò ne
 Stent intex rigidas, effice quæso, notas.
 Mirandis etenim sua monstrant signa figuris
 Qui generis iactant stemmata celsa sui.
 Hi barros, & apros, & pardos, & crocodilos,
 Et quæ terra fouet monstra cruenta, tenet.
 Illi Syrenas, delphinos, atque halænas,
 Et quicquid Triton cernit amatq; ferunt.
 Nonnulli coruos, miluos, nisosq; feroces, (bent.
 Quidquid & in liquidis nubibus errat, ha-
 Non ea signa traho Vates, cui Musa perennis
 Candida Castalijs pectora rorat aquis.
 Qui niuei genibus librū premit aureus agnus,
 Cæruleo in clypeo fulget imago mihi.
 Quæ mea Iohannes Francisce, insignia cernens
 Lene tuo socio pectus inesse puta.

Cynthi-

Cynt

SPL

Ar

Arti

Diua

Flori

Seu d

Vrbs

Ablu

Insul

Quæ

Quæ

Non

Verū

Vrbs

Haph

Præ

Vtpo

Nec

Iunon

Vates

Nec

Stella

(Qui

2130.
Cynthius insurgit cantu Diva^q iocosa:
Cantantes audi, suaviter atque vale.

A P O L L O.

Splendida magnificis domib. templisq. Deorū:
Arceq. turrigera, regumq. superba teatro:
Artibus & cultis claroq. decora Lycæo:
Diuitijsq. valens, æqua & virtute refulgens
Florigeræ seu vis perspectum Pacis honorem,
Seu dubium armisoni Martis lustrare rigorem:
Vrbs nitet, Eoa quæ terra Selandia ripa
Abluitur pelago (vicina Amagæa videtur
Insula, suaviloquis etiam celebranda Camænis,
Quæ tot habet lepores quot Athos notissimus
Quæ piscatura halecū sæcunda, potensq. (olim:
Non habitatores proprios tantummodo ditat,
Verū alios etiā venientes orbe remoto) (phis.
Vrbs (inquā) Clarijs quæ nō malè cognita Nym
Haphnia dicta sacris est vatibus: et meritò her-
Præ Danorū alijs fert urbibus illa coronā (clē
Vtpotè cara Deo, Regi, Musisq. virisq.,
Nec non & Veneri Venerisq. accepta puellis,
Iunoniq. Deæ, cui curæ Danica sceptrā. (ille
Huc ubi Iohannes FRANCISCVS nobilis
Vates, & medica Doctor clarissimus arte,
Nec minus ætherei regni scrutator amicus,
Stellarumq. sagax lustrator & arbiter acer,
(Qui satus egregio Cimbrorū sanguine, in vrbe
Ripæa

Ripæa, rigidis quæ non incognita Iutis
Oceanum spectat) venisset, cepit amari
A doctis iustisq; viris. Quos blanda Thalia,
Quos decorat virtus, hos & fortuna nitescens
Pectoribus doctorum infert animisq; piorum.
Nec minimos illi fautores fata dedere,
Virum qui celebres homines splendore corusco
Exuperant, proceresq; alios virtute decenti
Præcedunt: qualis Rex es Friderice secunde,
Quem Deus euexit sublimis ad ardua regna
Non populi vnus: qualisq; es magne Patrone
Doctorum Vatum, præclaro stemmate nate
Iohannes Frisi, qui diceris inclytus heros,
Heslagriæ sedis, quæ Musis aula dicata &
Virtutiq; sacra, & studijs pietatis amœna.
Sic homines doctos summo amplectuntur honore
Egregij Heroes. Quò quisq; potentior extat
Quò melior, doctos tantò magis ille bonosq;
Adiuvat officijs dignis meritoq; fauore,
Virgilium Augustus, Meccenas pectore fido
Suscepit Flaccum. Fridericus tempore nostro
Augustus: sed tu Meccenas optime Frisi,
Vestro etenim auxilio magni mandata tonantis,
Præsidio & vestro florescunt patria Iura,
Et pia Cecropiæ decorantur sceptræ Mimeruæ.
Vos datis Aonijs rutilantia dona ministris
Fortunæ ô Domini venerandæ, ô sortis amici
Æthereæ, per quos occasiq; ducitur alma.

Ordine

2130.
Ordine circumstant iusto, qui mente benigna
Iam vobis vestro grates pro munere solvunt,
Eximij Dani, docti Germani, & Iberi,
Et Galli, & Scoti, ac alij quos qualibet ora
Terrarum vobis offert aut obtulit antè:
Qui vano titulo non stantes floribus ornant
Vos nitidis, quos nec Boreas pernicibus alia
Dispellet, feruens neq, sicco Sirius ore
Fœdabit: sed quos virides per multa nepotes
Secula venturi mirabunturq, legentq.
Inter eos autem, quos vestra alit aurea virtus,
Iohannes Franciscus homo pius, atq, modestus,
Primus adest, per quē Danorū Academia felix
Non medica tantum potis est decorarier arte,
Artibus at multis alijs quas Dædala Pallas
E Iouis excelsi cerebro prognata, reclusit.

Conspiciū cathedra, procerūq, favore nitentē
Paruus amor telis hunc tandem fixit acutis.
Et meritò: Musas qui diligit, ille profectò
Pectore sub tenero tenerum quoq, pascet Amorē
Et licet in ter tres nil iuris habere feratur
Ille puer Divas, Vates tamen ille frequenter
Vulnerat: Est Nemesis testis testisq, Corinna' st
Atq, aliæ centum, quibus auxiliantibus acer
Traxit amor Vates. ô regna potentia Amoris.
Quid sine amore valet? Divis amor imperat
Imperat acer amor terræq, mariq, poloq, (ipsis,
Nec formidat opem medicam puer iste pusillus:
Audeat

Audet enim in medicos primas armare sagittas,
 Ergò vir hic cinctus Lauro caput, atq; medendi
 Arte potens, paruo victus succumbit amori?
 Sic est. Nam Mariæ simul vt gratissima vidit
 Lumina, quam genitor Bagiorum stirpe creatus
 Progeniuit: Simul vt Maria illius ora modesta
 Aspexit, quem Pallas amans ornauit: amicis
 Ignibus incensi flagrârunt suauiter ambo.
 Per iuuenis nitidi dulces spiramina amores
 Exilière piæ mulcentes pectora Nymphæ.
 Ex oculis Nymphæ Veneres salière decentes
 Quæ iuuenis culti rapuerunt candida corda.
 Pacta fides: pompa est iam iâ peragenda iugalis,
 Conueniunt proceres, matronarumq; caterua,
 Et iuuenes docti, viridiq; ætate puellæ.
 Tympana mota tremunt, auditur tibia mollis,
 Tædiferum pueri resonant Hymenæa per vrbe.
 Cætera Pierides, vestro vos dicite cantu,
 Et celebrate, Deæ castæ, connubia casta.

CALLIOPE.

Quid magis gratum teneris Camænis
 Quàm Deo grates meritas referre?
 Quàmq; sponsales décorare blando
 Carmine tædas?
 Qui Dei laudes resonare spernit,
 Spernit aut leges thalami pudicas:
 Hic pij non est hominis putandus
 Nomine dignus.

Conin-

Cont
Vni
Lim

Iam
Idem
Et n

Erg
Te
At

Qu
Nu
Cas

Ol
Me
Ad

V
Ca
Pe

Pa
Ga
Su

2130.
Coniuges Christus Patris ille summi
Unicus gnatus bona vna præbens
Limpidi vena saliente fontis,

Mitis amauit.

Iamq; cælesti residens theatro
Idem amat castos homines iuuatq;
Et maritales thalamos frequenti

Munere ditat.

Ergo, Io hannes, venerande Sponse,
Te sacri Phœbi nitidæ puellæ,
Atq; te, sponsa ô Maria, eminenti

Voce sonamus:

Quod Dei iussu ætherei sequentes
Nuptias suaves agitetis, atq;
Casta firmetis fidei decenter

Iura iugalis.

O Venus magnis benè grata Diuis,
Mentibus grata ô iuuenum torosum
Adfer huc cæston rutili beatum

Munus amoris.

Vinculum, Iuno pia, fer fauoris
Candidi pulchrum, Dea quæ nouellos
Per tuum numen, Ioue non proteruo,

Iungis amantes.

Pallas, ô Vatum speciosa fama,
Gorgonis vultu posito tremendæ,
Supplic sponsum decora atq; sponsam
Lenis oliua.

B

Sic

*Sic Amor dulcis, placidusq, candor,
Paxq, præcellens animos duorum
Mutua flamma rapiet, feretq,
Sidera in alta.*

CLIO.

*C*imbrorum genitus sanguine viuido
Iohannes (genitor quem venerabilis
Franciscus sapientum
Misit Pieridum in scholam)
Riparum vrbs viridi quâ pelago nitet
Vicina, & validis fulgida turribus,
Clara & laude virorum
Doctorum quibus est valens.
Cuius Gruditius pectora Cimbrus
Informans grauibus moribus, & bonis
Rebus, nomina digna
Prudens promeruit sibi.
Præclaros pueros, hic puer inclytus
Vicit mente pia, vicit & artibus
Tantum, Parthicus heros
Quantum præ reliquis volat.
Et sicut rutilans Hesperus aureas
Stellas egregio lumine suauiter
Vincit: vicit ita omnes
Ille hic moribus optimis.
Nec prauorum hominum molliciem sequens
Ignauam, patriæ languit in sinu,

Corbe

2130.
Corbe vt viminea quæ
Imbellis volucris, iacet.
Vidit Teutonium, regnaq; Francica:
Et doctos homines audiit, & sibi
Fidos iunxit amicos
Et Phæbi famulos pū.
Illos dulcisonis carminibus frequens
Ornavit Latiae fila mouens Lyra,
Sicut Naso disertus,
Insignisq; Propertius.
Rimauit tacitas sedulus interim
Causas rerum, & opus siderei Patris
Miratus speciosum
Addixit se medicæ rei.
Artis Pæoniæ Doctor amabilis
Factus, militiam nunc Paphiam probat,
Gaude cui decus illud
Contingit, Maria ô decens.

THALIA.

Sponsam, Sponse nitens, suscipe blandè
Vlnis molliculis, suauiter & fove.
Nam, te digna, pedes illa decentes
Infert, vt thalami fœdera sanciat
Tecum casta sacri. Digna Deorum
Lectò: Sed superi Dii tibi non negant
Hoc munus lepidum, dulce, iocosum,
Munus delicijs plenum & amoribus.

B 2

Quare

Quare quæ tibi Dij dant bona mites
Fac tu percipias, & Mariam tuam
Dilectam refoue, fidus & orna:
Hæc multi fuerit caussa tibi boni.
Coniunget faciles namq; propinquos
Qui te candidulo pectore diligent.
Gaudebit meritò stirps Bagiorum,
Coniux vnde sibi græde genus trahit,
Quòd tu suauiloqui doctus amicus
Phœbi, cœnubio iunxeris hanc tibi.
Et tu laticiam iure capeſces
Quòd coniuncta tuo Sponsa sit hæc toro:
Quæ fulgens placidis moribus æquet
Castam Penelopen: quæ facie proba
Certans, Hesionem, Tyndaridemq;
Daphnen, & Danaën vicerit optimè.
Felicem reputo quippè maritum
Vxor cui bona, cui contigit & decens.
Nam virtus animi, formaq; præstans
Membrorum, Ambrosij munera sunt Dei:
Quæ si quis studio spreuerit, istum
Tu rectè reputes Arcadicum pecus.
En, qui iudicio mentis amœna
Firmatur, celebri qui genio valet:
Cordis magnanimi dote mouetur,
Nympharum ac rapitur corporeis bonis.
Vos porrò facilem ducite vitam,
Et præcepta Dei non malè temnite.
Sponsam

2130.
Sponsam, Sponse, tuam dilige, & orna:
Sponsum, Sponsa, tuum disce vererier.
Concordes animos, Christus Iesus
Rex Regum, stabili numine proteget.

EVTERPE.

QValis sereno Iuppiter in polo
Summus coruscat cum superis sedens:
Talis viros inter disertos
Ingenio nitet hic Iohannes,
Sponsi venusti nomen amabile
Qui consecutus, connubij sacri
Fædus ferit cum gratiosa,
Teste Deo, sociale, sponsa.
Aurora qualis cum reliquis noua
Stellis refulget gemmeo in æthere:
Talis pudicas fulget inter
Purpureo Maria ore Nymphas.
Sponsæ venustæ nomen amabile
Quæ nacta, blandè connubij sacri
Fædus ferit cum gratioso,
Teste Deo, sociale, Sponso.
Grates Tonanti dicite dicite
Sortem piorum temperat & regit
Qui coniugum. Doctos, piosq̃,
Certè, homines Deus haud relinquit.
Et dum sonabunt organa Musica,
Dum Gratiarum fiet amans chorus;

B 3

Sancite

Sancite tædas has iugales
Vestra per optima vota, amici.
Aulæ Iohannes Heslagriæ decus,
Qui Frisiorum stemmate fulgido
Natus, pios Reges, Ducesq,
Regnaq, nostra iuuas potenter:
Grato Deorum consilio vigens
Qui pondus ingens alter Atlas geris:
Præsens in hoc cætu frequenti
Gaudia præcipuè capesce.
Nam (quod putabis cælicolis opus
Gratum beatis, ac homini vtile)
Hæc pacta earum nuptiarum
Te duce conciliata florent.
Vine ô Iohannes Frisiacæ decus
Stirps Camænas per venerabiles
Auro decens splendensq, lauro,
Et tibi sit Venus alma mitis.

ERATO.

Ecce preces fudit diuinam sponsus ad aram,
Sponsaq, iam sua vota peregit.
Moreq, coniuncta' st consueto dextera dextræ,
Lexq, duos nunc detinet vna.
Angelicæ norunt fidei data iura phalanges,
Atq, hominum veneranda caterua.
Mystica perficiens reuerenter sacra Sacerdos
Coniugibus bona cuncta precatur.

Latant.

Lat

Gau

Et n

Chr

Tyr

Vn

Ite

Ing

Vi

Qu

D

A

T

I

2130.
Letantur proceres præsentes, & rata fidi
Singula, voce animosq; requirunt.
Gaudia perspicua fœmellæ gaudia latæ
Percipiunt quoq; pectore Nymphæ.
Et meritò: nam casta probat connubia Christus
Qui Patris est pia mens & imago
Christe, tuo quos tu coniungis numine, sanctæ
Turbæ hi dulcia gaudia præbent.
Tympana rauca sonant, sonitū dat tibia dulcis,
Nobile surgit carmen ad astra.
Unanimes Diuū nitidissima linqute templa:
Vos sponsi in solium vocat hora.
Ite viri, iuuenes, matronæ, atq; ite puellæ,
Et Sponsū & Sponsam comitantes.
Ingressiq; domum vos mensis iungite onustis
Legitimus ceu postulat ordo.
Viscera vestra cibo, recreateq; pectora vino.
Isthæc munera nam Deus offert,
Qui genus humanum varia ratione iuuare
Consuevit Dominusq; Paterq;
Dum Cereris donum, Bacchi dum munera sumis
Lusu etiam consurge decenti.
Alternis insiste iocis, nec fronte Catonem
Tu simula Curiumue seuerum.
Tempus habet grauitas proprium speciosa, suūq;
Tempus habet Iocus atq; Lyæus.
Iuppiter ætherea non semper tetricus arce
Fulminat: interdum sua pascit.

B 4

Lumi-

*Lumina sidereis radijs & nectare viuit,
Diuersoq; colore nitescit.
Sapius Æthiopum latus regione moratur
Indulgens dapibusq;, meroq;.*

P O L Y M N I A.

*V*Ndas vt fluuij suas retorquent
In fauces avidas freti profundi
Dum densum madido liquore cælum
Effundit pluuias potentiores,
Feruens venaq; fontium resultat :
Voces pectora sic ferunt fluenteis
In cætus hilareis domus patentis,
Bacchus dum sapido madens Falerno
Rore almo socios probos inundat,
Et mens viuida cogitationes
Insurgens agit, rotat, vehitq;.
Quare Sponse decens, decensq; Sponsa
Mirari nimium studete nunquam
Quòd nunc lingua Latina quodq; Græca,
Quòdq; Hebræa fluat, fluatq; sermo
Danorum varius pijs amicis,
Ad pompam hanc coière qui vocati.
Verùm vos potius Deo benigno
Dantes pro meritis suis honorem
Casto leticiam fouete voto.
Nos hæc dum canimus Chely sonanti,
Vos ô vos, iuuenes, videte Nymphas

Quas

2130.
Quas offert Ericina blanda vobis
Mater purpureūm potens Amorum
Nympham quisq, suam petat decenter,
Et de more trahat leueis choræas.
Id nunc hora monet celer diei,
Alto & tibia spiritu repleta,
Et percussio rauca tympanorum,
Et pulsus citharæ sacræ sonorus.
Torpescens quis enim vadum lutosi
Stagni laudibus euehet? probamus
Molli murmure quod ruit fluentum,
Elatisq, parūm tumescit vndis.
At ne Sponse nitens, nitensq, Sponsa,
Soli non lepidos choros agatis,
Surgentes pedibus solum tenellis
Pulsate. En Hymenæus ille mitis
Insurgit facibus, sacrisq, tædis,
Vos & præ reliquis facitcoruscos.

MELPOMENE.

Sponse, beata Cypris
Cui Dionea tetigit tempora flaua myrto:
Sponsa, Cupido mollis
Cuius à vultu rutilo lumimibusq, claris
Aureolas sagittas
Fervidas reddit, quoties pectora docta
Vulnere gratiofo (Sponsi
Stringet: ô finē facite his molliculis choræis,

B 5

Et rea

Et requiem parumper

Ferte. nam alterna requie quod caret, id ca-
Pocula plena vini (ducum est.

Spumei vobis capite, et corda rigate vestra.
Ac citharæ canoræ

Carmē insurgens placidè, suscipite aure pura
Vos & amœna vestris

Quæ viri docti referunt per Charitum fauo-
Pectoribus benigni (rem

Verba (nam verbis lepidis quid melius?)
Sed pie Sponse, mæstus (probate.

Tun' sedes? quid? num gemitus pectore
Tu trahis inuidendos? (tàm profundo

An graues & tu lachrymas fundere, Spon-
Scilicet hora longa (sa, tentas?

Ducitur vobis. Benè habet: tempus adest
Tempus adest beatum, (iocosum,

Tempus aduenit celebri carmine Gratiarū
Castalidūmq; dignum,

Quo Venus nullū potuit commodius decora
Ferre suis ministris.

Sic Deus iustos homines magnanimus gu-
Sponse benigne, surge: (bernat.

Surge cum Sponso nitido perueneranda
Monstra, Hymenæe, flammæ (Sponsa.

Nobilis monstra rutilas, ô Hymenæe flam-
Nox ea dante Christo (mas.

Sponsulā Sponso socians candidulā vigenti
Efficiet

2130.
Efficiet moretur

Vna mens semper residens corporibus duo-
Tu modò, Sponse, lude : (bus.

Lude cum Sponsa facili deliciosa Sponsa.

TERPSICHORE.

Q*ui spacioſo
Lucida ſuevit*

Lumina latus

Fundere cœlo :

Iam ſpecioſam

Subtrahit orbi

Fessus eundo

Lampada Titan.

Et caput effert

Nobile nigræ

Noctis amicus

Hesperus index.

Occupat autem

Maxima terræ

Regna patentis

Labilis vmbra.

Nocte ſub iſta

Ne tibi deſis,

Nèue deinceps,

Sponse, labora.

Quæ Deus vltro

Munera donat,

Hæc

Hæc tibi grato
Suscipe corde.
En, melius nil
Coniuge fida.
Illa corusco est
Carior auro.
Quare age te iam
Iungito sponsæ,
Sponse, nouellæ:
Atque tuo te
Subdito Sponso
Sponsa pudica.
Basia blanda
Carpite, quodq;
Iure sequetur.
Cœlica sic vos
Gratia læto
Flamine cinget.

V R A N I E.

L Væ ò Sponse pijsime,
Ludentemq; iuua Sponsa venustula:
Et certate fauoribus
Dignis, & lepidis viuite Amoribus.
Cingant perpetuo choro
Hunc vestrum Charites prænitidæ torum.
Et concordia myrrheis
Has ædes repleat mitis odoribus:

Ornet

2130.
Ornet vos Deus optimus
Gazis Attalicis, robore corporis:
Vos & reddat amabiles
Regi, nobilibus, Vatibus Entheis.
Increscatq, nouis genus
Vestrum pignoribus, quæ celebrent Deum,
Quæ vobis genitoribus
Præstent obsequium, præsidium, decus.
Tum demum egregij senes
Exemplo teneris este Nepotibus.
Exemplo este pia omnibus
Vita coniugibus, gentibus omnibus.
Tam tellus, freta, sidera,
Quam quicquid refouet terra, salum, polus,
Vobis auxilium ferat
Aduersus Stygiæ sceptræ tyrannidis.
Hæc vobis tribui petunt
Musæ laurigeræ, Phæbus & aureus
Vobis hæc etiam dari
Exoptant socij quæ pietas placet.
Vos Hemmingius optimus,
Vos & letus honos Theſpiadū decens,
Vos Cnopperus amans Dei,
Vos & Sascerides laus Latia Lyra,
Vos & multi alij colunt
Pro vobisq, rogant munificum Deum:
Fortunamq, simul petunt
Vestram pacifico numine dirigi.

Quod

*Quod Musæ faciles volunt,
Quod docti cupiunt, hoc Deus approbat,
Ergò ludite, ludite :
Nos Nymphæ Aonides claudimus hunc
torum.*


Simpliciter virtutis amore.



2130.
IOHANNIS
GEORGII SADOLI
NI VIBERGII FA-
sciculus Apollinaris.



IOH. GEORG. SADI
DOL. VIBERGIVS D. IOHAN.
NI FRANCISCO RIPENSIS
nobili Poetae, & Medicinæ
Doctori salutem.



TITHALAMIO, QVOD
tibi D. Iohannes Francisce de-
scripsi, iam finito, atq, utinam ita
ad amussim elaborato, visum est
paucula quædam carmina ad-
iungere, quæ si tibi alijsue non honori, certè qui-
dem voluptati forent. Id enim iamdudum per-
spexi, meos lusus doctissimis quibuslibet nō in-
gratos, nec omninò iniucundos fuisse: quæ res
mibi incitamento erat, ut adolescens, & deinde
ætate florenti, plurima scribendo congererem.
Cæterum cum Poëmatum meorum libros euolu-
erem, nihil deprehendi quod ab illis commodè,
circa

citra voluminum mutilationem, distraherem.
Enimvero opera mea Musica in libros Elementorum Christianæ religionis, Hymnorum, Sylvarum, Distichorum, Amorum, Odarum, Regum Danicorum distinxeram: quæ omnia sic digesta sunt, ut lucem propediem, Deo fauente, sint appetitura. Neq; enim, ut illa, à se inuicem, opera diuellerentur, permittere volui, non quòd ea quæ ingenio meo in rebus melioribus perfecta sunt, tibi negarem, qui longè preciosiora, quàm mea sunt, dona mereris: Sed ut illas meas lucubrationes tibi pariter ac alijs bonis hominibus integras et intemeratas conseruarem. Tunc schedarum mearum nescio quem aceruum perlustranti sese mihi in manus iniecit fasciculus quidam perpaucorum carminum, quæ nondum in vllum ordinem, sicut alia mea Poëmata, reduxeram. Hunc ego cùm dissoluerem, examinarem, recognoscerem, vtilia nonnulla in eo reperi, vnde libellum formari posse iudicaui te nõ prorsus indignum, qui talibus materijs multum delecteris. Nouum autem carmen vnum, atq; alterum, Apolline non renuente, adieci: & titulum, quem sors obtulit, seruaui, neq; elegantiores effingere curavi. Nam & noster ille Ioh. Oecolampadius, Theologorũ vera lucerna, Græcanicis suis rudimentis Drigmatum appellationem indidit, eò quòd illa præcepta quasi in manipulos (agnoscis hoc medicum verbum) & fasci-

fa
vt
gu
et
ru
vt
spa
na
me
fit
un
fic
ue
br
gn
fr
ra
tr
li
V
g
q
ol
di
ci
in
sc
te
so

2130.
fasciculos collecta viderentur. Euentus fecit
vt cuilibet carmini nomen meum adderem. Sin-
gulis enim suum carmen pagellis, quæ conscissæ,
& propterea circumducto filo colligatæ, iacue-
runt, inscripseram: totiesq; nomen addideram,
vt si fortè nodus ligaturæ dissolueretur, foliaq;
spargerentur, ex adiecto nomine famulus carmi-
na mea agnosceret, agnita inscriberet, nec pro
meis aliena libellis meis insereret. Equidem sapè
fit, vt amicorum, quorū apud me scripta reperi-
untur, manus meæ nō dissimilis appareat, & dif-
ficulter ab incauto adolescente distantia animad-
uertatur. Cū verò in vnum, quem cernis, li-
brum, omnes eas pagellas redigerem, non ma-
gnopere referre existimaui, si, vt scriptum erat
frequenter nomen, sic etiam annotatum in postea-
rum legeretur. Id si cuiquam tædiosum arbi-
traris, obstaculū transuerso calamo, prius quàm
librario hoc scriptum committatur, tollere potes.
Verū bonis & doctis tuum nomen (inquis)
gratum est: neq; enim quid improbi garriant,
quid à Musis alieni Bucephali hūmiant, quid
obscæni porci gruniant, qui altiori animo præ-
diti sumus anxie inquiramus. Rectè meher-
clè, & valde sapienter tu, Iohannes Franciscus,
iudicas: neq; enim tam ineptus sum ego, vt fa-
sces mearum Musarum istorum censuræ submit-
tere velim, quibus elegantiores literæ non modò
sordent, sed & ô insaniam, ludibrio sunt. Itaq;
C quod

quod à nobis scriptum est, nolente volente æmu-
lo, legitur: imò & hac in parte immutabilia
Musarum consilia & decreta S. P. Q. Poëtico
approbante, stant: nec, vt à quoquam imperi-
to hæc constituta rescindantur, permissa sunt.
At hac lege exempti estote, ô docti & sapientes
viri, qui, quid vtile? iucundum? discernere
potestis. Proinde tibi D. Iohannes Francisce,
& omnibus illis quos tu amas, & qui tibi fa-
uent, hos lusus dicatos volo, vt eo argumento
apud posteros testatum sit, quanta inter nos fa-
miliaritas fuerit, existat, et futura sit, nō tantum
quoad in hac mortali vita luce fruemur, verum
etiā in æterna illa societate, qua immortales bo-
norum animi decorabuntur, cum Christo Domi-
no gaudium sentiemus. Vale cum vxore
& familia. Amicos salutare cupio D. La-
gonem & Othonem eruditissimos ex Brochen-
husiorum nobili progenie homines, & item ali-
os quibus nosti nostra studia in delicijs esse. Sa-
lutant vos omnes D. Georgius Christiernus
consanguineus meus, & D. Petrus Conradus,
meus vicinus vir ingenio & humanitate præ-
stantissimus. Reliquos adderem, sed dandus est
modus Epistolæ. Nunc carmina adiungam.
Et quia Musarum auspicio hoc opus suscepi,
eas primum placabo.

Ad

2130.
*AD MVSAS. IOH.
GEORGIVS.*

M^V*sæ* progenies Iouis,
Quæ Vates facitis bonos
Vltrò iungite vos mihi
Vt doctis placeam viris.

Nam vestro sine numine
Quis cultam citharam premet ?
Et vestro sine flamine
Quis doctè potis est loqui ?
Si fiam sapientior,
Vates siq; celebrior,
Ornabo patriam piam
Vestrum sæpè canens decus.

IN NATALEM DOMINI
nostri IESV CHRISTI Ioh.
Georgius.

A^N*nua lux redijt qua summi Patris imago*
Christus ab intacta virgine natus homo
Ille dies celebris toto cantabitur orbe (est.
Donec erunt homines, donec & alma Fides.
Ille fuit Patribus, iustis fuit ille Prophetis
Optatus, Dominum qui coluère, dies.
O nitidum tempus, gaza preciosius omni,
Humano generi quàm bona multa vehis.
Tu nox, ô sacra nox, lepidi ô nox conscia partus,
Auricomo dignum lumine nomen babes.

Cœlica te meritò decorarunt gaudia, teq;
Lustravit pietas perueneranda Dei.
Te monstrante novos radios, nox blanda, phalan-
Angelicæ rutilis enituere comis. (ges
Tunc data pax homini misero de sedibus altis:
Tunc Stygij primùm spicula fracta Ducis.
Ecce, etenim Christum pura iam virgine natum
Pastores docuit flammea turba rudes.
Non humiles spreuit personas dia caterua,
Pauperibus se sic inserit ipse Deus.
Pastores igitur hac mansuetudine ducti
Pectoribus condunt nuncia sana suis.
Sic Fidei testes, sic Religionis amicos
Omnipotens Dominus multiplicare solet.
Sic manifesta Deus sua reddit dogmata, ne quis
Natalem ignoret, maxime Christe, tuum.
O Patris æterni bonitas qui misit Olympo
Sidereos, moneant qui pia corda, choros.
Angelus ut Mariã gravidã fore flamine san-
Prædixit, nomen cui Gabrielis erat: (esto
Sic quoq; descendens conuexi è vertice cœli
Iam genitum asseruit turba corusca Deum.
Quæ tibi nunc mens est? tibi quæ demētia curæ
Impie? quid spernis munera tanta Dei?
En per flammigeros sapientia celsa ministros
Prodita non potis est luce carere sua.
Quippe Prophetarū iam nō ænigmata claudunt,
De Christi aduentu quod sonuere Patres.
Ange-

Angel

E

Cur n

1

Hos q

1

Scilic

1

Ipse

1

Hic

1

Nox

1

Par

1

Nō

1

Hæ

1

Læ

1

No

1

Quæ

1

Ad

1

Ad

1

Ad

1

Ad

1

Ad

1

Ad

1

2130.
Angelicus cantus, pastorum sermo, locusq;
Et virgo pariens monstrat adesse Deum.
Cur non venerunt testes, quos maximus orbis
Diuitijs claros ingenioq; putat?
Hos quoq; quid Christi natali haud iussit adesse
Hic, qui pastores iussit adesse rudes?
Scilicet ut cuncti moneamur abesse decere
E vera fastum religione grauem.
Ipse Deus mitis mens est, oditq; superbos:
Elatosq; animos non amat ille puer.
Hic non splendor adest pomposus, at omnia nato
Tenuia: sed tenuis res quoq; clara nitet.
Nox erat, at noctem decorauit cœlica flamma,
Et puerilis honos, virgineumq; decus.
Parua domus, quam nō ornauit magna supellex,
Qua nasci voluit filius ille Dei:
Nō erat hic candens byssus, nō purpura fulgens:
Incinxit puerum veste puella leui.
Hæc genitrix, hæc & nutrix, hæc fida ministra
Vlnis suscepit pignora sancta suis.
Lata salutifero dedit oscula plurima gnato,
Et tenero flatum traxit ab ore sacrum.
Non dolor hanc vllus parientem pressit, opinor,
Vtpote quam iuuat Spiritus ille Dei.
Quā quoq; non læsit Veneris perblanda voluptas
Huic enitenti non cruciatus erat.
Adde quod & veluti maturus fructus Iesus
Prodiit in lucem sponte suapte, puer.

Salve sancte puer, puer acceptissime salve :
Tu Rex Occasus, Rex Orientis eris.
Tu Deus es fortis, venturique arbiter cui
Perpetuae Princeps tu quoque pacis ades.
Virgine tu natus, Patris o nitidissime sermo,
Ad decus humani nominis, ecce, venis.
Te duce parta pijs est gratia, te quoque Rege
Limina sublimis sunt reserata poli. (claro
Christe homo, Christe Deus nos numine protege
Qui sumus auxilio turba redempta tuo.
Sic tua laudabit coelum, tellusque, fretumque,
Nomina: teque Deum cuncta creata colent :
Natalemque tuum leti celebrabimus omnes :
Imperio et dedit se pia corda tuo.

Dedicatum sacrumque Servatori.

NORMA VITAE CHRISTIANAE.
Iohan. Georgius.

Dilige, sperne, time, fratrem, peccata, Tonantem,
Iusto, acri, stabili, pectore, mente, fide.

IN NATALEM POTENTIS-
simi Danorum, Noruegicorum, Gottorum et
Vandalorum etc. Regis D. Friderici
secundi, Ad D. Ioh. Francisc.
Ioh. Georgius.

Ubi lux haec reuebit Calendas,
Lux pijs semper celebranda Musis,

Donec

Do

Da

Re

Ed

Flo

Gr

Ho

Th

Et

Du

Fa

La

Ch

Ian

Qu

Da

D

G

Ba

2130.
Donec aut arcu aut cithara nitebit
Phæbus Apollo.

Danica gentis Fridericus ille
Rex, cui nomen referens honestum
Editus luce hac, pariente matre,
Venit in auras.

Floribus Vatem decorate vestrum
Gratiæ cultæ Aonijs: choræas
Hoc die nam continuabo gratas,
Plectraq, tangam.

Thuraq, incendam placidus Sabæa,
Et graues curas cyathis leuabo
Dulcibus, lususq, ciebo, doctos
Inter amicos.

Fac dies festus redeat quotannis
Latior: Regemq, bonum tuere
Christe, qui regnas Deus, ô parentis
Mitis imago.

Iane Franciscæ, hanc resonato lucem
Quapius Rex est genitus: tibi nam
Dant suos flores Charites, suumq,
Pallas honorem.

DE CORONATIONE D. FRI-
derici secundi Regis D. Ioh. Georgius.

GAudio exultet Borealis orbis
Quem fouet doctas agitans choræas
Balticus Nereus, lepideq, ludens
Cimbrica Tethys:

C 4

Quæ

Quæ sacrae Nymphæ viridesq; Diuæ
Molliter rident, placidoq; saltu
Suscitant sese, tenuiq; lætæ
Murmure surgunt.

Regium pura diadema fronte,
Aureum sceptrum manibus decoris
Lucidam & sphaeram, generosa signa,
Fert Fridericus.

Filius Regis pia Christiani
Facta qui Rex ipse coruscus virget
Et toga clarus facili, seueris
Clarus & armis.

Christe, qui Reges regis vsq; celsos
Rex potens, Regem hunc, rogo, fac nitere
Viribus membrorum, animiq; iusto
Robore culti.

Sic tuus seruus tua personabo
Nomina, in summo residens theatro
Qui poli puri Deus, omniumq;
Rector & altor.

D I V O C H R I S T I A N O
III. Regi. D.

E N, Christianus Tertius
Rex Daniae, Noruegiae,
Et Vandalorum, & Gottiae,
Holsatiae, Ditmarsiae,
Princepsq; gentium bonus

Cemplus

2130.
Complurium, de postus hoc
Iacet sepulchro, quod sacra
Custodiunt Musæ: quod &
Ornat minerva florida:
Quas ipse viuis Regio
Ornavit olim munere.
Viator, illustrissimi
Regis decus clarissimum
Famamq; nobilissimam
Honora: & hinc cedens, vale.

Regi & Domino suo consecrabat Ioh.
Georgius Sadolinus Vibergius.

DE FRIDERICO
II. Rege D

FRôte, Paris: lingua, Nestor: sed pectore Vlyf-
Robore, Pelides Rex Fridericus adest. (ses:
O Musæ, ô Charites, Regem servate vigentem
Qui patre defuncto Danica sceptrâ tenet.

TABVLA REGIA REGIS
Solomonis, Ex VI. Sapi. Versibus tra-
ducta, Ioh. Georgius.

AVrea prævalidas superat sapientia vires:
Cōsilioq; valens melior quā robore pollens.
Quare agite, ô Reges, qui Mundi frena tenetis,
Qui regitis terræ fines populosq; feroces,
Dogmata suscipite hæc, animisq; infigite vestris.

C 5

Nam

2
Nam datur à Domino sublimi cuncta potestas.
Vestra is facta notat, secretaq; pectoris imi
Pandet, diuinis oculis qui singula lustrat.
Quando ministerio vos hic præfecerat orbis
Iusticiæ ad normam nitidæ non iura dedistis,
Nec Domini legem curastis consiliumq;
Vos igitur summus Rex castigabit acerbè.
Namq; Deus proceres rigidus pulsabit iniquos,
Monstrabitq; illis durus diuina flagella.
Plebeios homines venia dignabitur ille:
In transgressores Reges se proferet hostem.
Non equidem Dominus personam respicit vllã,
Non metuit quenquam, timida formidine liber.
Ipse humilem fecit solus, fecitq; potentem:
Atq; æquo studio nunc hunc, nunc curat & illũ:
Verũ præcipuè procerum Deus aspicit acta.
Pandite propterea, Reges ô lumina mentis
Quæq; sit excellens Sapiencia discite cuncti.
Hac præclara equidem marcescet tempore nullo,
Quam quicumq; colit sit pectore lynceus ille,
Ille Deam inueniet prudensq; probusq; piusq;
Hancq; amplectetur Nymphã diuinus amator.
Hac offert vltro sese vltro præbet amanti,
Et matutini placida sub temporis hora
Hanc quisquis querit studioso pectore, Diuam
Inueniet præsens in prima limine stantem
Atq; suis mystis bona plurima diffundentem.
Hanc quicumq; animo versat, perfectus abibit
Et So

2130.
Et Sophia nitidus Princeps cantabitur ille :
Et securus erit, vigilans qui suscipit illam.
Illa etenim dignos se quærit ubiq, & ubiq,
Occurritq, bonis, virtus quos suscitât ingens,
Hisq, viam ostendit sacra ad penetralia Diuinum
En, sapientiæ opus doctrinam adamare decente :
Curaq, doctrinæ est leges seruare verendas :
At leges seruare bonas est vita perennis :
Mortales demùm hæc similes facit esse Deorum.
Vndè patet verum sanctæ Sapientiæ amorem
Ducere splendorem ad regni virtutis alumnos.
Quare si solium, si regna probabitis, ô vos
Magnanimi Reges, Diuam sapientiam amate.
Imperium vobis diuturnum sic Deus addet,
Seculaq, producent vestri numerosa Nepotes.

DE VICTORIA DOMINI

nostri IESV CHRISTI.

Ioh. Georgius.

I Am corde puro Ecclesia
Syncera prode gaudia.
Sonet polus, tellus, fretum
Summi Parentis filium.
Peccata, Mortem, Tartara
Virtute vicit propria.
Rex Christus & verax homo,
Rex Christus & verax Deus.

Cæle-

*Cælestis aula panditur
Cunctis Dei fidelibus.
Per filium illustrat pios
Pater corusco lumine.*

*Honor parenti cælico,
Honorq̃, miti Filio
Honor sacro sit Flamini,
Vni Deo, ter maximo.*

Dedicatum sacrumq̃, seruatori.

DE IMPERIO POTENTIS.

*simi Regis D. Friderici Secundi,
Iohan. Georgius.*

*Q**uæ monte claro, doctiloquæ Iouis
Gnatæ, potentis munera sumitis
Diuina Phæbi gloriosi,
Vnanimes precor huc venite:
Vultusq̃, letos, lætaq̃, pectora
Monstrate: quin & carmen amabile
Proferte quod cælum, solumq̃
Mulceat, vndisonosq̃, fluctus.
Nam Christiani Regis amabilis
(Quem nunc tulerunt fata tenacia)
Iusti, gnatus, Rex creatus
Sceptra gerit Fridericus aurea.
Ah quis dolores pectore tabido
Prodet? quis acri mæsticiam trahet*

Corde

Corde? hinc dolor durus facessat,
 Lux ea lætitiā requirit.
 Lux quæ coronam detulit inclytam
 Tām candido, tām magnanimo duci:
 Lux quæ Ducem hunc Regem notavit,
 Et moderamen ei dicavit.
 Ciues benigni gaudia promite,
 Vatesq; culti iubila fundite:
 Lætetur & tellus, polusq;
 Et freta se exhilarent profunda.
 Aras Dei iam condecorarier,
 Et grata Bacchi pocula nobilis
 Libarier iam tempus vrget:
 Vrget & hoc Deus ille summus.
 Qui gratioso lumine splēdidus
 Iustus tuetur, qui reprobos minis
 Hostilibus feruens retundit
 Iustitiæ memor vsq; sanctæ.
 Qui Regis huius pectora suauiter
 Sano gubernat numine Rex potens.
 En, quos Deus Rex derelinquit,
 His neq; sunt diuturna regna.
 Quid? dū cano, me cœlicus impetus
 De Rege nostro vaticinarier
 Cogit. mihi quæ discitantur
 Tu rata cuncta, Deus, iubeto.
 Rex noster ille hic pectore feruidus,
 Et veritate & iusticia nitens,

Pro

Pro legibus sacris labores
Et gregibus rigidos subibit.
Hic sceptrum latum porriget in mare:
Terrisq; multis cognitus efferet
Palma vigentem: Caesarumq;
Magnificentia ei fauebit.
Hic clarus inter præcipuos viros,
Cætu ut Deorum Iuppiter optimus,
Et Laureum donum aureumq;
Aonijs tribuet ministris.
Nam per labores Pierij chori
Laudabitur: tum carminibus sacris
Tædæ illius magnum nitorem
Accipient, decus & perenne.
Transacta vitæ secula post suæ
Cælum capeſcet, quæ residet pater
Cum filio, Flatuq; sancto.
Cui Deus, hic animo Tonanti est:
O vota, Vates, fundite fundite,
Deumq; summum flectite flectite,
Ut mitis hunc Regem gubernet,
Regnaq; Danica semper ornet.

DE OLORE REGIS DANIÆ
Ad D. Iohan. Franciscum R.
Ioh. Georgius.

EXimiū decorant Regem sacra carmina vātū:
Vatibus Aonijs Rex bonus ipse fauet.
Nomina

2130.
*Nomina dant Vates: laurū Rex donat & aurū.
Sic Rex, sic Vates munera digna ferunt.
Edocet hoc nitido vinctus diademate Cygnus
Danorum Regi qui benè iunctus adest.*

*DE OBITU SANCTIS: REGIS
Dni CHRISTIANI Tertij, ad filiam eius
D. ANNAE, nuptam S. Duci Ele-
ctori, D. Augusto.
Ioh. Georgius.*

*O Christiani Daniadum pij
Gnata, Anna, Regis: Principis ô probi
Præclara coniunx, Principumq;
Mater amabilis optimorum:
Quid fata luges tristis & impotens
Cari parentis? Dania quem dolet
Amissum berum, fidumq; Regem,
Palladis & nitidæ patronum.
Finem proteruis pone doloribus:
Absterge bellis has lacrymas genis:
Grates Deo iustas coruseo
Solue: pium exhilara maritum.
Rex Christianus nobilis & potens,
Quem tu parentem diligis unicum,
Regnum relinquens hoc caducum
Regna Dei pius occupavit.
Nunc ergò Christi lumina fulgida
Cernit beatus, dulceq; cœlitum*

Agmen

P 1
Agmen videt lætus: nec orbis
Sceptra debinc sibi postularet.
Hac lachrymarum valle quid est boni?
Hac regna Mundi quidue suis ferunt
Lucri ministris? post labores
Nonne graues, precor, hinc eundum 'st?
Regno nitentis qui fruitur Dei,
Huic nec nocbit Tartareus furor:
Hunc nec prement hostes maligni
Quos sociat sibi Mundus iste.
Tu Christe, gratis qui tribuis probis
Cæleste regnum, quiq; bonos vebis
Fama perenni, nos gubernas
Vt placeant tibi corda nostra.

DE STUDIO VERBI DEI,

Ala: Ioh. Georgius.

N Os licet aspiciat lepidio Rhamnusia vultu,
Perpetuam vitam non tamen illa dabit.
Nam certe simul ac horrida mors venit
Quæ premet Reges miserosq; seruos,
Cedet vita leuis velut
Puluis & umbra.
Si tamen vllum
Illustrem probitas facit
Et patris verbum placidum supremi,
Multas diuitias hic sibi colliget,
Colliget & nomen perpetuumq; decus
Sedibus in superis vbi erit longissima vita.
Precas

AD
n
G

2130.
P R E C A T I V N C V L A E X

dicto Iosaph: Ad exemplum D.

Ioach: Camerarij.

D Vm pater alme
Pectoris alti

Luce carentes

Subdita multis

Turba periclis

Vsque vagamur:

Tollimus ad te

Maxime rerum,

Cordis ocellos,

Præsidiumq;

Mente fideli

Poscimus abs te.

Consilij tu

Pectora sanis

Nostra gubernâ,

Vt tibi laudes,

Vota, precesq;

Sæpe canamus.

Deo opt: max: dedicabat Ioh. Georgius
Sadolinus Vibergius pro lato rerû successu.

A D D. N I C O L A V M H E M -
mingium, pro editis ab eo doctis & utili-
bus in Philosophia & Theologia Mo-
numētis. Ioh. Georgius.

G Ratias nostri tibi sempiternas,
Doct̃or Hemmingi, referent Nepotes,

D

Quis

2130.
TABVLA MORALIS CATO-

nis, metro latino exposita,

Iohan: Georgius.

Quādo ego nō paucos homines errare vidē,
Virtutisq; sacra non veram carpere callem,
Consilio miseris volui succurrere sano,
Laudandā vt possent vitam traducere, nec non
Ad summū faustis auibus consurgere honorem.
Quocircā praecepta tibi, puer optime, tradam,
Vt placidis animi possis cōponere mores. (quid
Tu lege: nec tantū lege: verū intellige quicq;
Ipse docebo boni: quia qui legit, ille profectō
Negligit hoc ipsum quod non intelligit ipse.

Corde igitur toto summū venerare Tonātem,
In lucem qui te genuere parentibus omnem
Praesta non studio prauo deceptus honorem.
Dilige cognatos, doctumq; verere magistrum:
Quæ commissa tuæ fidei sunt, sedulus vsq;
Conserua, cuiquam ne sis malè fidus amico.
Artibus his tenerum pectus formare labora,
Quæ patriæ possunt populoq; adferre salutem.
Vive probis iunctus, prauorum despice cætum.
Ne prius ad litem propera quàm ritè voceris.
Fac ne sordescas, at mundus in omnibus vt sis.
Impartire libens non ficto corde salutem.
Si minor es, prudens homini concede potenti:
Si maior, socium miti cole mente minorem.
Rem tibi custodi, ne fias forsan egenus.
Admonitus castos, & sanos indue mores:
Si natura deest, fac curæ dona sequare.

Tabula

D 2 Doctus

Doctus ut euadas doctos euoluito libros :
Quæ sunt lecta tibi, memori tu mente locato.
Non aliena petes : curato domestica tantum.
Vtere congressu facili, lingua vtere miti.
Morosus ne sis, neq; iurgia nocte nefanda.
Effugias quenquam naso suspendere adunco.
Sis largus, verum sapienter prospice cui des.
Iudicio tete, nec non tutare sodales.
Conuiuas & raro voca, & sis raro vocatus.
Noctem da somno, lux est tribuenda labori.
Quod bene iuraris tu perfice mente fideli.
Ne nimio Baccho genij prosterne vigorem.
Pro patria pugna, patriam defendere iustum est.
Ne temere credas, multi mendacia dicunt.
Nitere consilio proprio si te bene noris.
Militiam Veneris fuge, Palladis arma cape.
Mendacem rigidis linguam constringe lupatis.
Vince bonos meritis, pereunt quæ das bona prauis.
In vitam alterius conuitia fundere noli.
Effice ne pereat tibi nomen, fama, decusq;
Iudicium ad normam pietatis ferre studeo.
Vincito dilectos patienti corde parentes.
Esto memor, quisquæ tibi cum benefecit amicus.
Rebus ut assuescas, prætoria celsa frequenta.
Fac animum decoret veneranda scientia legum.
Vtere virtute eximia, non vtere fraude.
Iram etiam iustam rectè moderier opto.
Sperne malos lusus, & honestos quære labores.
Non modò quod poteris, quod fas est sedulus
vrge.

Si bo

Si bo
Non
Dilig
Et pi
Quan
Dum
Iusti
Cuius

DL

IV

Tolla

O

Dar

Est

Qua

Quo

Reg

Reg

Imp

2130.
Si bonus es, præ te socium ne sperne minorem.
Non aliena petes, propria tu viuito sorte.
Diligito uxorem sociam vitæq; necisq;
Et pietate tuos atq; artibus imbue gnatos.
Quam tuleris legem, patitor: nec subtrahere tete.
Dum conuiuia sedes, lingua parcissimus esto.
Iusticiæ ad methodum vestigia dirige vitæ.
Cuiusvis hominis ferto prudenter amorem.

DE REGE DANIAE, AD PL-
atores. Iohan. Georgius.

Iusticiam quisquis potis est cognoscere sanctam
Hic Regem nostrum pingere ritè potest.
Tollito iusticiam, Rex est sublatius: at illam
Da Regi, Rex est par in honore Dijs.

LAVDES DANIAE.
Ioh. Georgius.

O decus Phæbi rutilans micantis
Grata testudo, resonato carmen
Daniae laudes referens piq;
Regis honorem.

Este vos nobis faciles Camæna
Quarum opem implorant lepidi Poëtæ
Quos iuuat blandæ citharæ sonora
Tangere plectra.

Regiam terram celebrate mecum
Regiæ Nymphæ, pius ecce Rex est
Iuppiter qui vos docet, atq; mandat
Dicere laudes.

Danicus Rex est pius & benignus,
Qui solet vestrum decus atq; nomen
Prosequi candore bono piæq;

Mentis amore.

O solum sanctum, Iepidum, venustum
Quam tibi laudem tribuent canentes?
Tu tuo verè superas nitore

Plurima regna.

Gentibus si quid dabimus vetustis
Fama præcellens decorabit almam
Daniam, qua stirps Iapeti occupavit

Germine nata.

Hic pater nostris populis putatur,
Docta ceu tradunt monumenta Vatum,
Cui Semum Chamumq; ferunt eodem

Sanguine ductos.

Sceptra qui primùm tenuit superba
Dan pio regnum studio gubernans
De suo regnum voluit beatum

Nomine dici.

Hunc virum Reges alij sequuntur
Quos simul si iam cuperem referre
Protinus grandi rueret fatiscens

Musa labore.

Dania ô felix, nimis ô beata es
Dùm tui Reges, Comites, Ducesq;
Obtinent pomum, gladium, atq; sceptrum,

Atq; coronam.

Quid tibi maius poteris precari?
Quid tibi maius Deus addet, oro,

Quam

Quam

Cerni

Me, e

Ciui

Suba

Regi

Legi

Inco

Opti

In p

Pax

Assp

Dan

Ten

Vrl

Mu

Na

Da

Ho

Qu

N

N

2130.
Quam probum Regem, pietatis atq;
Pacis amantem?

Cernite o regnum populi, monente
Me, exteri nostrum: facilemque mentem
Civium & mores, pia subditorum
Facta videte.

Subditi vivunt pietate clari.
Regna conseruat Deus atque adornat
Legibus sanctis, decoratque sceptris
Danica Christus.

Incolas concors animus fauore
Optimo iungit, resonantque sancta
In pio coetu stabiles Tonantis
Dogmata gentes.

Pax viget: floret veneranda Pallas:
Aspicit doctos iuvenes Apollo:
Danicas ornat Cypris atque diues
Iuno puellas.

Templa seruantur: decorantur arces:
Vrbibus splendor datur & theatris:
Munit & tantum decus, Angelorum
Flammea turba.

Nunc & excellens Fridericus ille
Danicus Rex, nomine qui Secundus
Hoc viget, faustis auibus nitentem
Construit urbem:

Quae trahit nomen Friderico ab ipso
Nobile, & nullo perituum in aeo,
Nisi sacrae Musae, nisi longa Phæbi
Fama peribit.

D 4

Quid

Quid, quod his terris habitant libenter
Teutones docti, celebresq; Galli,
Et pij Scoti, populiq; nati
Orbe remoto?

Si mali mores, mala mens & esset
Danicae genti: fugerent profecto
Hinc bonarum tot, puto, nationum
Candida corda,

Præter hæc, fructu vario niteſcunt
Hortuli & ſylvæ, varioq; flore,
Adferunt nobis quoq; grata noſtri
Munera campi.

Fruſtum agri reddunt copioſum amœni:
Dat freium piſces & opes decentes
Nauibus veſtas, nec enim eſt tam abundans
Thracius Hebrus.

Aëris virtus nimium probatur
Vatibus doctis, quibus eſt ſuëtum
Gratijs iunctas nitidis in auram
Ducere Muſas.

Quid canam Martem genitum Tonantis?
Quid patrem Martis rigidi Tonantem?
Danicum Regem iuuat atq; gentem
Ille vel ille.

Fluctibus quod ſi Dea cæca diris
Surgat interdum populos retundens
Danicos: ſummus Deus, en, repente
Reprimit illam.

Nil deeſt noſtræ patriæ, nihilq;
Denegat natura Deusq; cultæ

Dania

2130.
Danica. verus mihi namq, viuet
Testis Apollo,
Testis & viuet triplici recurſu
Quæ frequens molles agitat choræas
Danici iuxta loca grata Nerei
Balthica Thetys,
Vndecim fibris reſonare docta,
Et nouem vocum ſpacijs decora,
Cede teſtudo, ô hominum & Deorum
Dulce leuamen.
Ter tribus Muſis benè iuncta Pallas
Cum reuertetur, mihi tu ſonabis
Carmen excelſum quod ament probentq,
Secula multa.
Tunc graues voces, medias, acutas,
Temperent ſuprà digiti ſiniſtri:
Et fugas formet volitans per imos
Dextera neruos.

DE AMICIS SVIS INCO-
gnitis. Ad D. Iob. Franciſcum Ri-
pen: Iob. Georgius.

I Gnoti rogitant, qui ſit color aptus, amici,
Ornari effigies quo queat illa mea:
Quam bonus expreſſit, pictorum gloria, Lucas
Leucoris vrbe nouus viſus & hoſpes eram:
Quamq, pyro inſectam ſolidæ, Creutzere, libellis
Iunxiſti, patriæ quos mea Muſa dedit.
Quod poſcunt animæ dulces, Francisce docebis:
Namq, tibi formæ nota figura mea eſt:

D 5 Puni

Puniceo crines capitis cernuntur honore :
 Est & castaneis mollibus ille color.
 Prima mihi croceo crescit lanugo nitore
 Et tenero roseus vernat in ore decor.
 Pupula cæruleo præcingitur vtraq; circo :
 Pars oculorum alia est candida more niuis.
 Pallidula est facies tenuiq; rubedine sparsa :
 Pallidulum est collum, pallidulaq; manus.
 Atra tegunt corpus mihi vestimenta pusillum,
 Horum ego præcipue ductus amore feror.
 Illud ad exemplum nisi picta hæc viuat imago,
 Non potis est faciem ritè referre meam :
 Hæc teneant omnes hi, te Franciscæ monente,
 Effigiem cupiunt qui decorare meam.
 At saluere iube tales reuerenter amicos,
 Qui gaudent vultus noscere signa mei.
 Tuq; vale magni Phæbi generose sodalis,
 Excellens herbis, carminibusq; potens.

DE IMAGINIBVS IN COE-
 lo, Iohan : Georgius.

VRanie, versu mihi dic cælestia signa.
 Cognita nãq; tibi sacra sunt systemata cæli.
 Tu Iouis in solio claro vestigia figis.
 Tu rutuli calida spaciaris Apollinis æde.
 Te nitido cultu veneratur penniger Hermes.
 Te pia miratur Venus, & iucunda Diana,
 Et liquido quotquot versantur in æthere Diui.
 Sic ego : sic contra cælestis Musa subinfert.
 Ad celebres cæli quæ stat polus Arcticus arces,
 Quaq;

3130.
Quaę ruit Boreas qui nubila cæca repellit
Intorto flexu geminas Draco diuidit Vrsas,
Quarū Helice maior, minor at Cynosura vocatur.
Hinc micat Arctophylax, Musæ dixere Booten,
Quę celebrat Naso custodē Erymanthidos vrsæ.
Hunc autem sequitur Boreæ diuina corona
Grandis honor Regū quos tollit Aparctias atq;
Circius & Boreas fulgenti semper honore.
Herculis hinc quoq; stat generosi grandis imago,
Poplite curuato reprimat qui colla Draconis.
Hinc Lyra adest, pressit quondā quā Pleiade na-
Quā quoq; pulsauit Vates Rhodopeius. inde (tus,
Est niueus Cygnus Phæbo sacer, atq; potenti
Danorum Regi: cuius gestatur in armis.
Tunc Ophiucus adest torto serpente recinctus.
Sidera post isthæc Aquila est, & sacra Tonanti,
Caesaribusq; pijs. tunc Telum surgit, & inde
Delphin, quò placidè vectus Phæbæius Arion
Per mare caruleum, tetigit sæuissima fila
Dulcisonæ Citharæ: qua motus rector aquarū
Neptunus, rapidasq; regens pater Æolus auras,
Æquoreæq; Deæ Vatem duxere per vndas
Cantantem, & terræ saluum imposuere virenti.
Proximus emergit stellatis Pegasus alis
Bellerophontis equus, Vatisq; insigne Sabini,
Quo duce Barbaries hoc nostro tempore victa
Isthmiaco iuueni veluti prostrata Chimera. (est,
Andromeda hinc oritur validis cōstricta catenis
Quam genitor Cepheus, & mater Cassiopea
Inquirat lacrymans: hæc nam speciosa, decensq;
Nerei-

Nereidas quoniam forma superare studebat,
 Causa fuit pœnæ, quam dulcis filia ferre
 Debebat, nisi Gorgoneo sæuissimus ore
 Enseq; munitus subtractam à morte cruenta
 Qui socerum celso comitatur in æthere Perseus,
 Hanc sibi iunxisset, thalamiq; in honore locasset,
 Cum Perseô rigida capite exoriente Medusæ
 Andromedæ signum Deltoton visitur vnâ.
 Acer Erichthonius tandem se tollit in altum
 Hædos ostentans dextrâ, leuôq; capellam
 Ex humero, quamuis diuersum sentiat alter,
 Nescio quis, cœli scrutator. libera sunt
 Per nos sensa homini: nobis quoq; libera sunt.
 Quo rapior? post hæc quæ dixi sidera, bis sex
 Zodiaco nitidis insurgunt signa figuris:
 Quæ sunt: trux Aries Phryxi, Taurusq; puellæ
 Nobile cui tribuit nomen pars tertia mundi,
 Atq; Helenæ fratres Castor Polluxq; gemelli,
 Nec nō retrogradus Cancer feruore coruscans,
 Herculeusq; Leo, patris & Marathonia Virgo
 Interitum lugens, & Libra insigne beatæ
 Iusticiæ, & diro truculentus Scorpis ore
 Imò venenata cauda truculentior, atq;
 Arcitenens Chiron magni præceptor Achillis,
 Egocerosq; nitens, & aquas qui fundit ab alto
 Iliacus iuuenis domini pincerna Tonantis,
 Æthereoq; freto pisces qui ritè mouentur.
 Turbine quâ rapido densatur aquaticus Auster.
 Cetus & Eridanus, Lepus & nymbosus Orion,
 Et minor & maior Canis, & Tritonia puppis,
 Atq;

2130.
Atq; Hydra, & Crater, Corvusq; atq; ara Dearū
Et fera Centauro transfixa, Austriq; Corona,
Et Notius piscis, cælesti lumine splendent.
Notaq; sunt toto fulgentia sydera cælo,
Saturnus gelidus, pergrato & Iuppiter ore,
Et Mars terribilis, Sol & speciosus, & alma
Stella nitens Veneris, Diuorū & nuncius Her-
Lunaq; nō vna semper cernenda figura. (mes,
Paruula sideribus sunt istis sidera iuncta,
Quorum etiā nomen formamq; videre iuuabit.
Quæ nitet in Zona, prælucida stella, Bootæ
Dicitur Arcturus, tibi Pegase sectio iuncta est
Nescio cuius Equi. tūm Tauri fronte madētes
Consistunt Hyades, sed dorso Pleiades insunt
Eiusdem signi. Geminis quæ substat amicis
Stella Propus fertur. Cancer Præsepe et Asellos
Exhibet: in corde est sed regia stella, Leonis.
Florida gestatur speciosa Virgine spica
Virginis & dextrā decorat stella inclita cui dat
Præfulgens nomē Vindemia: Phryx at ephēbus
Vrnā habet in dextra, tūm pisceis vincula nectūt.
Vincula iunguntur Nodo. quis sidera cuncta
Nomine signārit? versu potiora notauit.

Hæc ait: inq; leueis subito se sustulit auras,
Me verò ex isto studio retraxit Iacchus
Et mea pampinea decorauit tempora vite.

DE AVLA FRIDERICHS-
burgica. Ioh. Georgius.

Qui Friderichsburgæ sedis sacra limina cernes,
Quam nuper positam rex Fridericus habet:
Aspia

2
7
Aspicias Regis solium, procerumq; theatrum,
Et Fidei sellam, Iusticiæq; thronum.
Tum fontē aggreditur nitidū lucentibus undis,
Quem teneris Musis dixeris esse sacrum.
Aula minor Veneris, ostendit maior Amores
Principibus media est, ecce dicata domus.
Omnibus ex æquo generosus Bacchus adhaeret,
Cernitur & tota pinguis in arce Ceres.
Fragrantes herbas hīc monstrat florida Chloris :
Hīc triplices Charites munera grata vehunt.
Rex pius hīc frondes nectit, floresq; decentes,
Pierios Vates qui decorare solent.
Hīc testudo sonat tuba, tibia, Musica quævis.
Fortuna hīc vultum prodit amica suum.
Mars validos enses, atq; instrumenta tuetur
Bellica, quæ in reprobos fulmina dira vo-
Ambit at effossus diuinam Nereus arcē (munt.
Leucothoëq; sacris conspicienda vadis.
Hoc decus exornant agri, saltusq; ferarum,
Piscibus & nimium stagna beata suis.
Regalem quisquis sedem lustrare laboras :
Rex Fridericus agat tempora læta : roga.

AD D. IOH. FRANCISCVM
Ripensem, de generis sui propagine,
Ioh. Georgius.

DŌcti, Iohannes, cultor Apollinis
Qui corde læto Pieridas fons :
Qui Gratias tecum decentes
Ducis honorificam, cateruam :

Tun' sci-

2130.
Tum scire nostri poscis originem?
Stirpisq; nostræ magnificentiam?
Hoc ut petas, candor benignus
Efficit & veneranda virtus.
Virtus, sodales qua veteres tuos
Amplecteris. Nam ceu tibi mens viget
Artis potens, sic est abundans
Cor pietatis & alti amoris.
Non iacto sortis, non generis decus
Vates pusillus, quem tenuem vehit
Fortuna non celsa renidens
Nobilitate, opibusue multis.
Me Musa dulcis, me pietas inuat,
Mibiq; curæ est Christus amabilis.
Hoc gloriator tantum nitore:
Non reliquas ego sector umbras.
Sed dum Lyæus, dum rosa, dum Ioci
Regnant, recludet Melpomene meum
Ortum, velut fidi parentes
Exposuere mihi, senesq;
In Cimbria, quæ Morsia nobilis
Tellus aquosis fluctibus hinc & hinc
Circundatur, vixit vir acri
Oreq;, menteq;, Christiernus:
Iohanne natus qui patre floruit,
Et lege recta terruit improbos,
Iustosq; inuit. Christiernus
Hic Sadolimus erat vocatus.
Sancto vetustus qui proavus meus
Vitam peregit coniugio probe

Cum

Cum fœmina casta & pudica
 Nomine quæ Catharina dicta est.
 His filij tres, filiolæ & duæ;
 Nati : Iohannes, indè & Ericus, &
Iuarius, Ingella, & Tyara :
 E quibus est mihi auus Iohannes.
 Blandè Mineruam qui rutilam colens
 Pectus decoris artibus imbuir,
Urbs Cimbriæ quæ stat peraltis
Turribus astra premens Viberga.
 Ille è Marina Nicoleo sata
 Auo virenti sustulit vnicum
 Gnatum, Georgium Iohannem.
 Quem benè patria nostra nouit.
 Hic & secutus connubij fidem
 Casti sacratam, floridulam sibi
 Iunxit puellam stirpe natam
 Ex Hegelundiaca, Marinam.
 Hac matre & illo progenitus patre
 Etate fratres exupero meos.
 Verùm vicissim me statura
 Corporis hi superare possunt.
 Fratrum meorum nomina si rogas :
 Hæc sunt : Iacobus, Paulus, Erasmius,
 Tùm Christianus qui pusillus
 Cœlitibus datus est beatis.
 Tunc vnus, alto nomine qui patris
 Dictus, profunda morte Georgius
 Pressus, Theodorusq; Primus
 Stelliferas petiêre sedes.

Postre-

2130.
 Postremus illo natus in ordine
 Venit Lutherus, præter & hos, duas
 Nobis sorores addiderunt
Dorotheam & Mariam parentes.
 Matrem verendam cum rapuit Deus,
 Patri dabatur virgo Selandica,
 Cui nomen est præstans Elissa,
 Moribus & pietate clara.
 Quæ patre prægnans protulit de meo
Laurentium, qui paruulus occidit.
 Hæc & Theodorum secundum
 Ambrosium & peperit decentem.
 Gnatas & illa hæc candidulas dedit:
 Matris, Marinam, nomine de meæ
 Vnam vocatam gratiofo:
 Quam Sophia est comitata, & Anna.
 Fœcunda patri tam fuit en meo
 Virtus Tonantis munere credita:
 Quod scire si gaudes, Iohannes,
 Gaudeo me tetigisse plectrum.
 Sed ô parumper, Melpomene, cane,
 Testudo dulces tuq, modos sona,
 Vt quàm mihi Cypris propinqua
 Stet, meus aspiciat Poëta.
 Vt natus adsum, sic ego filios
 Et filias ex coniuge libera
 Quæ Volphiorum gente creta, & st
 Progenere moderante Christo.
 Hac nata nobis Barbara prodijt
 Nec non Marina: has mors tamen abstulit:
 E Ab du.

Ab dura Mors, Mors quæ puellas,
 Quæ rapit & iuvenes, senesq̃.
 Donatus indè 'st luce Theophilus,
 Quem consecuta 'st auspicio Dei
 Viui pios qui mitis ornat,
 Dorothea. hinc satus es, Georgi.
 Pluresq̃ Christus si volet addere,
 Dadosq̃ iustus demere si volet,
 Eius voluntatem probato.
 Quod facit, hoc facit ille rectè.
 Diuûm statuto quis malus obstrepet
 Feliciter? quis cælica numina
 Inflectet in peius? rogatus
 Vota Deus iuuat at piorum.
 Quare, ô Deus, qui sidera dirigis,
 Qui lata terræ regna manu tenes,
 Qui Rex fretum vastum coherces,
 Pectora nostra, precor, gubernes.
 At, ô Iohannes, nobilium decus
 Vatum, lucerna ô Paonij gregis,
 Quæso, tui stirpem Poëtæ
 Dilige, & ingenium, fidemq̃.
 Et dùm vigentis sanguinis es potens
 Gaude decenter cum Maria tua:
 Et gratias Christo repende
 Pectore, voce, lyra, meroq̃.

De nu

2130.
DE NVPTIIS D. IOH. FRAN-

cisci & Mariæ F. Laurentij Bagij.

Ioh. Georgius.

PÆonias cū te nitidum, vir doctē, per artes
Parnassī faceret Calliopea ducem :
Ornaretq; tuos Daphnæa fronde capillos
Qui gerit auratam mitis Apollo Chelyn :
Idaliō Cypris ridens ē vertice, dixit :
Hunc amo, quem facies, parue cupido, meū.
Hæc, Venus. Ille suū procumbens curuus in arcū
Applicuit neruo splendida tela sacro.
Nec mora, ventosis dilapsus ab aëre pennis
Transfixit iaculo pectora bina leui.
Hinc tu Iohannes, & tu Maria inclyta sponsa,
Optato fertis vulnera grata loco,
Militiāq; Deæ feruenti mente sequentes
Legitimo facitis prælia blanda modo.
Pergite, nam pugna vestram Deus ipse inuabit:
Et validi vestrum multiplicare genus.

DE AVLA HESLAGRI-

ensi. Ioh. Georgius.

FRisiacæ genti sedes est illa sacrata
Quæ trahit à Corili nobile nomen agro.
Magnificum quisquis gaudes lustrare theatrū
Aule huius Domino multa precare bona.
Vnum etiam moneo : qui vis intrare, superbū
Pone animum. prauī nil fouet illa domus.
Hic habitat Pietas, Charitesq;, Iocusq;, Deusq;
Tot bona Iohannes Frisius, ecce colit.

E 2

In

IN REGIAM DANORVM

nauem, Fortunæ appellatione nobilem.

Ioh. Georgius.

Prænestæ et Rhamnus fortunã habuere volucrẽ

Fortunam nantem Balthica Thetis habet.

Si retinere queas fortunam, Dania, stantem :

Dania, Romano non minor Imperio es.

Molle precare tuo tempus, pia Dania, Regi

Auspicio cuius Pax tibi lata viget.

Qui Diuã, volucrẽ, nantẽ, stantẽmue gubernas,

Nos rege præsidio, maxime Christe, tuo.

VIRTUTES PII REGIS, EX

Hemmingio. Ioh. Georgius, Regibus dd.

R*egem quæ faciunt beatiorẽ*

Hæc tu noueris esse, Rex benigne :

Christum pectore & ore confiteri :

Lætã mente domum Dei videre :

Verbis, ac opibus bonos iuuare :

Et frenis cohibere contumaces :

Quod iustum est sapienter approbare :

Iniustum fugere in Dei timore :

Æquis Legibus adiuuare regnum :

Lucrum spernere, ceu malum venenum.

Regem quæ faciunt beatiorẽ,

Hæc tu noueris esse, Rex benigne.

AD DEVM PRO SAPI.

entia. Iohan. Georgius.

C*oelestis Pater ac omnipotens Deus,*

Dulci cum Genito, Flamme cum sacro,

Qui

2130.
Qui viuis venerandus
Rex trina sub imagine.
Mitis fideream da sapientiam
Et prudentia fac pectus adimpleat :
Da mentem ingeniosam
Tangentis Clariam chelyn.
Sic crebrò celebrans te, & patriam meam,
Et Regem, atq; Duces, ac homines bonos,
Et Nymphas, & amicos,
Edam carmen amabile.
Discedet procul hinc inuidus æmulus
Qui rixas cumulat pectore reprobo.
Verùm tu pia Musa
Præclarum resona melos.
Felix qui potuit ludere molliter
Mixtus Virginibus dulcibus, & Deo
Neglectis inimicis
Quos vexat rabidus furor.

AD S. TRIADEM
Ioh. Georgius.

O Pater latè dominator orbis
Qui tuo nutu regis astra celsa
Ætheris puri, placidè fidelem
Protege cætum.
Christe cœlestis bone Gnate Patris,
Horridam mortem nece qui fugasti
Propria, nobis mediator, oro,
Sedulus esto.

E 3

Spiri-

Spiritus summi Patris atq; gnati,
Luce qui sancta pia corda ducis,
Cordibus nostris dato gratiosi
Lumen amoris.

AD IOH. SAS CER IDE M
Vermenhusanum, Theologum & Poëtam,
pro sibi exhibito carmine.
Iohan : Georgius.

C Armen, mihi quod, Sascerides potens
Vates, dedisti per venerabilem
Danum, Petrum Paruum Poëtam,
Rhetorem & eximium, legebam.
Quo lecto, amœnum personuit, nemus
Faunusq; solers, & Dryades Deæ,
Echoq; quæ mira profundas
Voce sonare facit cauernas.

Feliciter tu, Sascerides, venis
In Daniam : nam te duce (gaudeo,
Gaudentq; campi & sylua mecum)
Orphica plectra vigere cerno.

Dani tuum si non videant decus,
Et laudibus si non faueant tuis :
Sunt duriores quàm fuère
Quæ fera saxa mouebat Orpheus.

Nam veritatem dicere si licet,
Vincis Poëtam Threicium tuo
Cantu. Is feros mores poliuit :
Tu releuas animas iacentes.

Solum ille sensus dicitur acrium
Mouisse plectro docto animalium

Nec

2130.
Nec non vagos pressisse fluctus,
Saxaq; grandia concitasse.
En tu parentis fiderei domos
Ornans decenter conspicua chely,
Flectis Deum, flectis beata
Numina, flectis & astra summa.
Compescis Orcum terribilem modis
Instructus altis: horribilem fugas,
Qui bella suevit Christianis
Sæua parare bonis, Draconem.
Præ te silebit Pindarus inclytus,
Nervos reponet doctus Horatius,
Is Musulis Graijs decorus,
Hic Latijs nitidus Camænis.
Quantum potenti vilis homo Deo:
Tantum Poëtæ, qui celebrat Deum,
Cedet caducis & profanis
Inuigilans studijs Poëta.

LAVS P. PARVI ROSÆ
fontani. Iob. Georgius.

Cum Daniæ clarissimus
Rex Christianus Tertius
Tuum Poëma cerneret,
O Parue, Vates maxime:
Sedens amœnam lauream
Depinxit ad frontem tuæ
Musæ: supraq; lauream
Fixit coronam Regiam.

E 4

Pictua

*Pictura quid talis sibi
Vult? quid bonus Rex hic docet
Signis? minores, credite
Pictura rebus conuenit.*

*Parui Camœna lauream
Meretur: & Regis decus
Est Vatribus præstantibus
Adferre dona Regia.*

*I nunc, sacros Vates cole
Quos Rex colit doctissimus:
Mirare Musas candidas
Regem docent quæ pingere.*

*AD AFFINEM SVVM M.
Georgium Erasmium de Theol. &
Poesi. Iob. Georgius.*

*D*Oste Georgi,
Quo mihi nemo
Dulcior vnquam
Viuet in orbe,
Dic mihi quæso,
Nam bona nosti
Plurima, quare
Iura nitescent
Et Medicina:
Sed pia magni
Dogmata Christi,
Atq; Poesis

*Incluta Vatum
Spreta videntur?
Hæc mihi pande:
Sic pia Musa
Te celebrabit
Donec oberret
Candida cæli
Templa corusci
Qui sua nobis
Carmina dictat
Flauus Apollo.*

In Vi-

2130.
IN VIGESIMVM DIEM

Martij. Ioh. Georgius.

BIs decima, ecce, redit lux quæ de mense coru-
Belligeri Martis nomina clara trahit. (sco
Hæc est illa dies qua natus sidere læto
Lotus & æternæ fonte salutis eram.

Hæc est illa dies qua docta Melanthonis ora
Primum contemplans dogmata sana tuli.

Hæc est illa dies mihi qua mea cognita coniux
Exhibuit mitis gaudia prima mihi.

Illæ dies gemmis, illæ & decorabitur auro,
Illæq; votiuo thure notata fluet.

M. Illæ dies cantu leuibusq; agitanda choræis :
Illæ agitanda iocis, illæ agitanda mero.

Illæ dies multis alijs formosior, inter
Debet Ephemeridas nomen habere meas.

Vade dies felix : & fausta reuersa quotannis
Fac mea placato tempora læta Deo.

AD ANTONIVM BALDERS-

lebium Cher : pro Scriptis ab eo sibi
missis. Ioh. Georgius.

CVm tua legissem, venerãde Poëta Cherusce,
Scripta, domus tota est lucida facta mea.
Et qui solus eram, qui solus pleetra mouebam
Ante oculos vidi numina multa meos.

A dextris quidam testudine clarus & auro
Astetit : ô pulchra quàm fuit ille coma.

Huius se lateri iunxit puer, ecce, pusillus
Ostendens tenera flammea tela manu.

Hunc comitata Dea est roseo spectabilis oro
Qualem non ortus, nec, puto, vesper habet.
Opposita nudas vidi regione puellas
In triplici blandè membra mouere choro.
Hac quoq; parte stetit speciosa fronte venustus,
Delectans vario munere corda, puer.
Hic stetit & nitido cultu decorata virago
Hastam quæ valida est visa tenere manu.
In medio cecinere nouè bona carmina Nymphæ
Qualia in ætherea credo sonare domo.
Numina si noui, prius & mihi visa, beata:
Nec genio fallor iudicioq; meo:
Phæbus, Amor, Cypris, Charites, Iocus atq; Mi-
- Dulciq; Aonijs numina fontis erant. (nerua
Sæpius vt Diui cernantur in ædibus hisce,
Sæpius, ô Vates, fac tua scripta legam.

DE IOH. SASCERIDE.

Ioh. Georgius.

Non Pyladen, Lædæq; genus, Siculosq; & Atri-
Cognosco: nota est Sasceridæa fides. (das
DE LAGONE BROCHEN
husio. Ioh. Georgius.

L. Ago nobilium decus virorum
Et nostræ patriæ vigor perennis
Danus Teutonium videt disertus,
Germanus properat videre Gallos,
Gallus doctiloquos petit Latinos.
Mox Danos repetit benigniores
Danus, Teuto, Latinus, atq; Gallus.

Hic

2130.
Hic ergò mihi quadruplex videtur
Quando quadruplici sono nitescit.
Quò non mens sacra pèruenit virorum?

AD SOCIOS SECVM CON-
uiuantes ruri in festo Dyonisi.
Ioh. Georgius.

Nunc ò sodales viuite viuite
Et lata Bacchi munera sumite:
Sic vos canam Danus Poëta
Aonijs fidibus frequenter.
Vos & beabit Melpomene decens,
Famamq; vestram magnificam veher
Phæbus pater Vatum bonorum,
Pallas & optima amica Musis.
Vos grata saltem ducite pocula
O grata Nymphis pocula ducite:
Sed plena vino dulciori
Pocula ducite vos sodales.
En vina mentem suppeditant bonam,
Vates disertos vinaq; subleuant
Ad regna Phæbi gratiosi
Castraq; splendidulæ Minervæ.
Vinum Poëtis Pegasus est pijs
Quo mens eorum tollitur in iugum
Sublime Parnassi nitentis
Qui Bromio sacer atq; Phæbo est.
Quapropter oro viuite viuite
Et verba miti pectore promite.

Sed

*Sed dum fluit sermo Latinus
Guttura vestra lauate vino.
Dum iungo versus Amoniae chely,
Se Bacchus acer proripit in meum
Pectus Dione iunctus almae
Iunctus & Idalio puello.
Et sentio nunc pectore sub meo
Flammæ calores æthereæ sacros:
Hic spiritus cælo profundo
Adueniens rapit ima corda,
Vatum bonorum quæ pietas placet,
Et sancta virtus, & Charites probæ,
Et Christus æternus sacerdos
Quo duce cuncta creata fulgent.
Lator sodales: læticiam meam
Testor sonantis pleetra mouens lyra.
O vos mei fidi sodales:
Læticiam hanc precor approbate.
Vnguenta vobis porrigo suauia,
Vobis coronas floridulas veho,
Et quicquid hic hortus viroris
Continet, hoc ego linquo vobis.
Tuq; ô Mineruæ, Sacerides, decus,
Qui doctus vrges Threicios modos,
Absens licet degas, bibentes
Nos tua nomina personemus.
Nobis vicissim fac faueas potens
Vates Dei qui munere maximi
Fulges, diemq; istum probato
Quem vocitant Dionysianum.*

Censura

2130.
CENSURA PHILIPPI ME-

lanthonis, de C. Erasmo Michaëlio La-
to. D. Ioban. Georgius.

L Eucorides quandò tibi, Doctor Erasme Ca-
Albidus ad ripā dona dedēre sua: (mānā
Tunc tibi dicebat (nā sum memor ipse) Melan-
Aspiciens dextræ signa notata tuā. (lanthon
Clarum & honorificum iactatur nomē Erasmi:
Quòd si fata volent alter Erasmus eris.
Acria quum valeant sapientis verba Philippi,
Oraculum noli spernere semidei.

AD DEVM PRO DANORVM

Illustrissimo Rege & Domino

D. Friderico II.

O Summe rerum conditor,
Regumq; Rex ter maxime,
Sceptrum tenens qui sidera,
Terram, fretum, solus regis:
Tuam benignus respice,
Ecclesiam, quam filius
Dum victima est factus, suo
Christus redemit sanguine,
Regisq; mentem Danici
Tuo excitato lumine,
Vt te suum colat Deum
Qui laus es ipsis Regibus.
Fauore sic motus tui
Rex noster in cœtu sacro
Pacis decus dulcissimum
Iusto sequetur pectore.

Sic

nsura

*Sic Angeli tui canent
Laudes tibi suauissimas :
Pangentq; Musa carmina
Non inuide doctissima.*

*Eia tuam mentem bone
Promptissimam cerno Deus :
Cerno probum Regis pij
Pectus tibi iunctissimum.
Et cerno fortes Angelos
Deo iubente maximo
A Rege, regno, subditis
Clades graues depellere.*

*Deo opt: max: dedicabat Ioh. Geor-
gius Sadolinus Vibergius.*

*AD AMICOS DE HISCE SV-
is lusibus. Ioh. Georgius.*

*SCire laboratis, quid iungam sacra profanis ?
Iunctus sæpè malis Christus & ipse fuit.
Sæpè solent Reges inter residere ministros :
Sæpè inter spinas sunt loca grata rosis. (fana,
Nec mihi mens vna est: sacra nūc, nūc quero pro-
Dulcia nunc posco nunc ego salsa probo.
Adde quod Aonijs Musis sunt omnia grata
Quæ non à studijs sunt aliena bonis.*

*IN NVPTIIS D. IVSTINI
Pauli & Margaritæ Moldenhouerae.
Ioh. Georgius.*

*AUtor Deus connubij
Vult casta necti fœdera: Coni*

2130.
Condemnat omnes impios
Fœdum quibus placet scelus.
Ergò hæreat sponsæ probæ
Sponsus perenni vinculo:
Et sponsa firmis legibus
Adiuncta sit sponso pio.
Circa torum pax aurea
Vestrum suäriter volet:
Et vestra iungat pectora
Summi Dei clementia:
Ades Venus castissima:
Venite dulces Gratia:
Hic siste Musarum cohors:
Hymen vige suauissime.
Iustinus en Sponsus nouus,
Mentis decorus lumine,
Virtutibusq; fulgidus,
Cupidini iam militat.
Iam militat cupidini
Pugnando fortiter quidem,
Sed non cruentè, Martijs
Mos est velut sodalibus.
Quid Margarita nunc fugis
Incepta bella? quid times,
Quos tot puellæ non timent,
Arcus sacri Cupidinis?
Hic sermo blandus perstrepat,
Figuntur hic & oscula:
Quàm grata, quàmq; suauia
Hæc bella, & hæc sunt prælia.

Sed

*Sed casta quæ Lucretia,
Coniuxq; Vlyssis incluta,
Non abnegantibus piam
Fidem maritis, poscerent.
Florete coniuges boni
In prælio sanctissimo.
Pugnate tam virtutibus
Quam moribus dulcissimis.
Natura cum fructum dabit
Vobis benigna fertilem
Cultum docete liberos
Præstare sublimi Deo.
Nobis Iacche paruule
Offer repletas amphoras,
Plenoq; cornu ô copia
Nouos beato coniuges.
Tuq; vnitatis Trinitas,
Et Trinitatis vnitas,
Rex vnus, atq; vnus Deus
Cætum hunc, precor, ne desere.
Sic membra qui sumus tuæ
Ecclesiæ, ô potens Deus,
Ornabimus te laudibus
Et nunc, & omni tempore.*

*AD IOH. MONASTERIEN.
sem, vt huic libro se inseri permittat.
Iohan : Georgius.*

*Iohannes Latia lucerna linguæ,
Sermonisq; decus perenne Graij,*

Cui

*Cui p
Enter
Qui fl
Et qu
Cuius
Doct
Præst
Cerne
Et Pl
Qui C
Tu q
Huc
Exor
Nec
Vt co
Solis
Iohan
Serm*

R.

L

*A
Hæc
Dem
Men*

2130.
Cui portat veneranda dona Clio
Euterpeq; Eratoq; cum Thalia :
Qui flores Polyhymnia canente,
Et quem Terpsichore facit coruscum :
Cuius sollicitat manum diserta
Doctam Melpomene, sacrumq; pectus
Præstans Calliope : quiescit in quo
Cernens Uranie polum nitentem,
Et Phæbus, Charitesq; & alma Pallas :
Qui Christo facis omnia approbante
Tu quæcunq; facis pius probusq; :
Huc huc ô propera, meum vt libellum
Exornes placidissimo fauore :
Nec te subtrahere, quæso, ab hac cohorte.
Vt cælum decorat, nitor beati
Solis : sic decoras meum libellum
Iohannes Latine lucerna linguæ
Sermonisq; decus perenne Graij.

DE ARNOLDO BVRE.

nio. Ioh. Georgius.

R. Ostochij quis non Ciceronem viuere dicat
Arnoldi donec lingua diserta sonat ?

LAVDES ELOQVENTIÆ.

Ioh. Georgius.

N. A Deste natæ fulgidi Musæ Iouis :
Laudes sacrae dicemus Eloquentiæ
Hæc diua de celso polo mortalibus
Demissa per munus diserti Numinis
Menti salubreis languida præbet cibos :

F

Pellit

Cui

Pellit tenebras, & suis cultoribus
Nomen bonum decusq; candidum vehit.
Mores docet bonos artesq; floridas.
Summi probam monstrat Dei clementiam;
Scholas gubernat, vrbibus laudem parat,
Pagos tuetur atq; sylvas atq; agros.
Ornat viros, ornat virum potentiam.
Extollit & Nymphas suis honoribus:
Exponit astrorum vigorem, & fertilis
Telluris inclytum decus: sæui maris
Pingit tumorem: monstrat horridum grauis
Flammæ furorem: ostendit asperas minas
Ventorum, et omnem vim notat rerum omnium.
Obscura quæ fuere, claro lumine
Illustrat & depellit acre tædium.
Quicquid cupit, tollit coruscum ad æthera:
Quicquid fugit, nigra ad repellit Tartara.
Addit vigorem rebus optimum omnibus
Omni nitescent parte crebris floribus.
Oblectat omnes pleniore gratia.
Quam gratus hortulus Maronis optimi.
Causamq; naturamq; rerum hæc explicat,
Rebusq; dat colorem inæstimabilem.
Et auribus secum rapit turbam rudem:
Et docta quouis mandat ire peñora.
Blandos Amores excitat: rursus graueis
Iras, suam prodens potentiam, parit.
Nunc gaudio afficit sua dulcedine:
Nunc lacrymas altas respluit vi sua.
Adfert nitorem iuncta magnis Regibus,

Adfert

Ad
Tri
Et o
In c
In C
Mon
In m
Pro
Qui
Qui
Cui
A
Hu
Sal
Do
Quo
Illu
Pre
Pui
Sic
OL

L
La
La
La
Da

7130.
Adfert honorem culta sanis ciuibus:
Tribuit suis laudes alumni plurimas
Et omnibus locis, & omni tempore.
In ædibus Regum parit concordiam:
In Christianorum pio cœtu Deum
Monstrat: forum commendat almis legibus;
In militum castris pusillos excitat.
Prodest domi, prodest foris. Verùm Dea,
Quis te Poëtarum satis laudauerit?
Qui te colit, cuius per ora tu volas,
Cui gratiam præbes tuam, quem diligis,
A quo tuum seruatur eminent decus,
Hunc comparauerim Deo: vel proximum
Saltem Deo celsissimo contenderim.
Donum Dei es: nec cui libet data es, sed his
Quorum Deus mentes micanti lumine
Illustrat: & quibus placent artes bonæ
Præcepta quæ tradunt loquendi, non modò
Purè, sed & rectè & sonis fluentibus.
Sic nata, Dij boni, boni quantum vehis
O Eloquentia, omnibus mortalibus.

AD MARIAM D. IOH.
Francisci. Ioh. Georgius.

Laurus Castalio dicata Phœbo:
Laurus Delphica somnium reuelans:
Laurus fulmina sæua ritè pellens:
Laurus Gorgoneum fugans venenum:
Laurus pacis amœna nuntiatrix
Dat nomen, Maria ò, tuo parenti,

Adfert

F 2

Exor.

Exornatq̃ tui caput mariti.
Laurum propterea tu Apollinarem
Cura, quo studio potes, fouere,
Vt semper maneat virens in horto :
Horto quem manibus tuis decoris
Ornasti arboribusq̃ floribusq̃.

AD EXIMIVM POETAM ET
Medicum Doctorem Iohannem Fran-
ciscum. Ioh. Georgius.

O Mi Iohannes lux medici chori
Vatumq̃ fulgor : floribus vt potens,
Sic cantibus doctis renidens,
Qui Venere ingeniosa abundas :
Per te mihi cum clara Poëmata
Flacci requiro mittier illius
Quem Phæbus & sacrae Camœnæ
Suspiciunt citharæ parentem :
Librum tuum quid das mihi proprium ?
Æs & remittis quod tibi miseram
Pro libro emendo ? ô caritatem
Carminibus decorandam amœnis.
Quamuis Poëtam diligo Horatium
Munus benignum gratum & amabile
Illud tuum mi frater & mi
Care Deo ac homini sodalis :
Donum tamen tu gratius hoc puta,
Inscripta primæ nomina pagina
Quod sint, sodales quos tibi olim
Conciliauit amica Pallas.

Hoc

4130.
Hoc nam Iohannes emicat in libro
Brochtorpianæ laus & honor domus:
Harbordus haud pompa minori
De Baria nitet altus aula.

ET Vilhelmus huic & mistus adest gregi
Qui Schenchiorum progenie satus
Laus magna Staufenburgensis
Dicitur, & noua fama, sedis.

Forsterus indè est hac serie nitens
Cultor canentis fidus Apollinis,
Et Otto Volmerchusianæ.
ms, Gentis honor, decus, atq, lumen.

Matthæus & se iungit amabili
Fratrum cateruæ, gloria qui micat
Præclara Reitenpauriorum
Miles & Aonidum coruscus.

Freybergiana tum, Ioachime, stas
Et gente præstans, Pieridum choro
Et dignus & dignus benignis
Inserier socijs Dijsq.

Findeisiorum Gallus originem
De stirpe ducens huic quoq, stat libro
Inscriptus, inscribi sacro qui
Castalidum meruit libello.

Stotzingiano semine nobili
Offert & altum se benedictus, &
Ernestus è Remchnigiensi
Sanguine prænitido creatus.

Fælicianus tum nitet hic Baro
Herbersteinus: tum Daniel decus

Hoc

F 3

Salfel-

*Salfeldica gentis vigescit,
 Tum quoq; Rotta Sebastianus.
 Hæc num peribunt nomina dulcium
 Nec non bonorum grata sodalium
 Quos tu tuo libro notatos
 Vis etiam mihi, amice, notos?
 Per me perirent si pia nomina,
 Indignus essem muneribus tuis:
 Indignus & quem Musa dulcis
 Fontibus Aonijs foueret.
 Mens est Poëtis vt celebrent Deum,
 Infusa cultis: nomina & vt canant
 Præclara amicorum piorum:
 Utq; Ducum resonent triumphos.
 Fælix Poëtis qui placet Entheis:
 Hic nam perenni nomine tollitur,
 Attollitur ductore Phæbo
 Regna per ætherij Tonantis.
 Cum flore tellus, sideribus polus,
 Undis carebit cum pelagus suis:
 Natura tum vertetur, at non
 Carmina sunt peritura Vatum.
 Nam ceu vigescet mens hominis potens,
 Nec tunc peribit machina cum cadet
 Mundi: perennis sic manebit
 Mentis opus, veneranda Musa.
 Si Vatribus tu me annumeres pijs
 Vatesq; præstans & Medicus bonus:
 Quos edo libros, & sodales
 Quos cano non periment tenebræ.*

Tantum

Tanti

F

F

AD

Doct

nun

C

Scien

Te

In t

Tu

2130.
Tantum quiescant terribiles minae
Martis furentis, pax regat & Duces.
Pacem colunt mites Camænae,
Pacem adamat speciosa virtus.

AD CLARISS: THEOLOGIAE
Doctorem D. Nicolaum Hemmingium Da-
num: virum bonum & sapientem: Acade-
miæ Haphniensis gubernatorem Pri-
marium: Præceptorem suum.
Ioh. Georgius.

CHRISTUM nitentem muneribus suis
Hemmingi, amico pectore qui geris:
Qui Gratijs fulgens benignis
Ore sonas triplici Tonantem:
Scientias qui mente volubili
Comprendis altas, quas hominum labor
Insignis inquisiuit olim,
Tempore vel reliquo requireret:
Te Phæbus acer Pallas & aurea
Fecere clarum Pieridum ducem:
Te laurea ornauit perenni
Flore vigens celebri Thalia.
In te Philippi celsa Melanthonis
Se transtulit mens & vigor igneus,
Et quæ viro tanto fuere
Numina, sunt tibi consecrata.
Tu Paulus alter siderea tuba
Instructus, & tu lumine cælico

F 4

Præ-

21
Præclarus ostendis decenter
Dogmata pura Dei supremi.
Id scripta produnt tam prius edita,
Quam nunc recenter, te duce, condita:
Quæ seduli voluent nepotes
Candida dum Pietas manebit.
Quæ olim parasti, scripta tua an canam
Novos labores numne recenseam?
En, quod potest vendi vel vltro
Indiget haud hedera Falernum.
Clarè micanti quis radios dabit
Ioui coruscos? Nerea Balthicum
Quis pluribus ditabit vndis?
Quisue rosis onerabit Hyblam?
Hyblam ferentem tot teneras rosas
Quot spargit ardens Idalio Venus
E monte flores: atq; pascunt
Quot volucres nemorosa Tempe.
Et te nitescens progenies Deum
Idem & bonorum dulce decus vir
Quis personabit? quisue libros
Enumerare tuos studebit?
Saltem rependo iam tibi gratias,
Diui Iacobi quod mibi Epistolam
Dono dedisti clariorem
Sole, tuo auspicio notatam:
Opus quod ornat doctaq; & utilis
Tractatio, qua tu rationibus
Sanis modum rectum recludis
Quo renouatio fit Piorum.

O perge

2130.
O perge, perge ô Doctor amabilis
Hemmingi, amœnis muneribus pios
Christi ministros adiuuare,
Et decorare domum Iehouæ.
Sic Christianæ membra decentia
Ecclesiæ te perpetuo vehent
Cantus: libenter teq̃ summis
Laudibus alta per astra tollent.
Et, si (quod opto) qui regit omnia
Nostris triumphum Principibus Deus
Lætum dabit, diros & hostes
Impediet validis catenis:
Nec me meosq̃ hic bellicus impetus
Prorsus retundet, qui violentiam
Nobis minatur (quæ pericla
Hostibus eueniant malignis)
Ego' ipse nomen sæpè tuum Chely
Cantabo blanda Pegasidum choro
Grato receptus, siue cultas
Inter Hamadryadas recumbens.
Vnaq̃ tecum munificum Deum
Laudabo, Reges atq̃ canam probos,
Nec non fidales ac amicos
Aonijs fidibus sonabo.
Tunc eminebit non Elegeia
Tantum, querelis apta sequacibus:
Verùm & Deæ insurgent iocosæ
Multisonis modulis dicatæ.
Testudo metro sæpè Glyconio,
Sæpè audietur carmine Sapphico,

2
Frequenter & versu vigebit
Alcaico Pherecratioq.
Et Musa tollet se reliquis modis,
Legemq, sumet quam furor Entheus
Ingesserit summusq, Rector
Ingenij genijq, Christus.
Laus vlla tali nomine si mihi
Debitur : laus & tibi maxima
Reddenda erit. Nam mi pusillo
Tu Clariam citharam dedisti.
Tu me beato Thespiadum gregi
Fecisti amicum sat venerabilem :
Sic artibus doctis Achillem
Phillyrides bonus erudiuit.
Hoc sera noscat posteritas volo,
Voloq, cantet te Latijs sonis
O Doctor Hemmingi virorum
Gloria, gloria & o Deorum.

AD IOH. SASCERIDEM
Vermenhusanum, Theologum & Poë-
tam. Ioh. Georgius.

Haphniam, quæ stat preciosa Phæbi
Aula fulgentis meus ibit Hermes
(Civium causas aget ille) vestris
Missus ab oris :
Qui tuis scriptis onerariæ vult
Nuncius certus datus ad sodales
Quos tibi iunxit Ioue nata solo
Dædala Diva.

Tun tuo

2130.
Tun' tuo ergò Sasceridi Poëta
Scribis? an Vates benè notus illi
Per tuos lusus modò conticescis
Iane Georgi?

Musa sic. Verbis ego mox locutus
Hisce, quid, dixi, venerando amico
Nunc boni scribam? lepidum requirit
Ocia carmen.

Publicis rebus nimis occupatus
Langueo tandem: nec enim vllus extat
Qui mihi iniunctas potis est laboris
Sumere partes.

Solus hunc cogor lapidem mouere
Pro pijs Christi Domini ministris,
Gente & hac nostra: neq, enim Poëtis
Tempora parcunt

Tempora insano malè fæta Marte:
Marte, quem feruens peperit Megæra
(Turpe) Auernali Stygiam ad paludem
Rapta Tyranno.

Quid? quòd & victum dare cogor vnus
Plurimis iam militibus proteruis,
Qui nihil Vates, nihil ipsa curant
Carmina Vatum.

Tu vices ergò gere, virgo, nostras
Et virum doctum, placidè saluta.
Nam valet si Sascerides, vales ô
Florida Musa.

Dixi. & en Diua, haud mora, me relicto
Te salutatum petijt libenter:

Quana

Quum precor miti excipias fauore,
Digne Poeta.

Siq̃ nos fido refoues amore
Vota supremo facito parenti
Vt sacris pacem tribuat Camænis
Blandaq̃ secla :

Reddat & mites animos eorum
Qui diu nobis reprobi fuere :
Et trahat nos vt faueamus illis
Fœdere facto.

Aut (minus si nos adamare tentent
Dediti sæuo studio Gradiui,
Danicæ & gentis sitiens cruorem
Miles acerbus)

Dirigat nostri pia corda Regis
Ne ruat mæstus, sed vt excitatus
Sorte iucunda referat repulso
Hoste triumphum.

Mars licet toruam faciem rebellis
Monstrat, & nobis rabidus minatur :
Victor euadet tamen ille quem vult
Christus amare.

Vota per Vatum Deus incitatur
Vt inuet Reges famulosq̃ Regum :
Vota per Vatum ruit & malignos
Vltor in hostes.

Quare age, ô Vates, quod oportet vrge
Et lyræ sanctæ pia iunge verba.
Fleßitur cælum fidibus canoris,
Fleßitur Orcus.

Ad

2130.
AD D. PAVLVM GEORGI-
um, fratrem: cū illi desponderetur proba
virgo Marina, praclari viri Lauren-
tij Arnoldi Lubecensis filia.
Ioh. Georgius.

QVi cœli nitidi creauit astra
Et terram pelagusq; & omne quicquid
In cœlo viget & solo, saloq;
Rex atq; omnipotens Deus, paterq;
Humani & generis decus perenne,
Vt castus, bonus, & pius resulget,
Sic castos homines, bonos, piosq;
Ducit, condecorat, iuuat, gubernat.
Quare frater amice Paule, cepto
Fac vitam studio tuam decenter
Traducas: placideq; cum puella,
Quam tu connubio tibi exhiberi
Exoptas, Domino iuuantе viuas:
Fac & præsidium Dei requiras.
Vanos namq; hominum puto labores
Successum nisi det Deus rogatus.
Quos summus Deus adiuuat regitq;
Hos non Tenarius premet Tyrannus.
Nos autem lepidam tibi precamur
Sortem, vota q; fundimus rogantes
Vt te Christus amet tuam & puellam
Forma & moribus integram, Marinam:
Quæ iam iuncta tibi futura Sponsa
Te felix decorabit vsq; & vsq;
Germanus quoq; frater en Iacobus

Quem


27
Quem virtus regit & regunt Camæna.
Offert se facilem piūq; vobis
Ambobus: nec enim ille fallit vllum;
Sed fratres studio iuuat fidei;
Ac hos auxilio lenat salubri:
Et dulces socios probosq; amicos,
Non fucato animo colit fouetq;
Iam nil restat in hac negotiorum
Turba quā resonare cantiones
Sacras, euacuare & ampla pocla,
Et nos colloquijs leuare bellis.
Quos vexant animi graues dolores,
Hi sese releuent loco & Lyæo.
Quos non exhilarat medela tanta,
Hos saxis reor esse duriores
Orpheus Threijcius Poëta priscus
Quæ solo citharæ sono mouebat.

AD D. IOH. FRANCISCVM
Ripensem Elegia pro acceptis ab eo Poë-
matijs. Iohan. Georgius.

QVod mihi, Iohānes Francisce, poëma dedisti
Nomine te dignum Vatis adesse probat.
Non etenim carmen blando tantummodo ductu
Profluit, vt numeri Naso diserte tui:
Sicut & arguti suauissima scripta Tibulli
Quæ facili cursum mollius amne trahunt.
Nam quoq; iudicium (si rectè iudico) sanum
Esse tibi lenis Calliopæa docet.

Et la.

4150.
Et labor hic monstrat quas sis virtute refulgens
Dum veteres socios dum canis atq; novos :
Dumq; pij Regis defles lacrymabile funus
Decessu cuius Dania tota dolet.
Aurea cœruleus demonstrans cornua Rhenus
Ad citharæ stupuit fila sonora tuæ.
Ac tua Neccarides mirantes carmina Nymphæ
Dicuntur lepidis te celebrasse modis.
Albiades Diuæ tibi florea ferta dederunt
Cernentes genij munera læta tui.
Balthica Callirhoë, tum Cimbrica Callianassa
Te colit ob venæ flumina grata sacræ.
Non igitur miror quod te Schofferus, & ipse
Æriferæ vallis gloria Maior amet :
Teq; canat Graio Ionas Tintenius ore,
Lotichiusq; sua mitis amansq; lyra,
Et Secceruitius, nec non Caselius, atq;
Ofius Aonij cura fauorq; gregis.
Perge rogo, non tu iam desine condere carmen
Doctorem quamuis te Medicina vehat.
Quin, igitur potius tu blanda poemata pange
Nobile quod medica nomen ab arte geras.
Qui Medicos reddit, Vates quoq; reddit Agyleus:
Huic pariter curæ carmen, & herba Deo.
Perge, inquam : Musas educ, et scripta relinque;
Vnde tuum noscant secla futura decus.
Sic tua frondentes lambent insignia lauri,
Ornabitq; tuum splendida Fama caput.
Quotq; tibi coniux Bagiorum sanguine natæ
Oscula dat, flores tot tibi Musa dabit:
Simpliciter virtutis amore.



2130.

